

四庫全書

集部

欽定四庫全書

文選卷二十三

梁蕭統編

唐李善註

詠懷

詠懷詩十七首

五言 晉文代常慮禍患故發此詠耳

阮嗣宗

臧榮緒晉書曰阮籍字嗣宗陳留尉氏人也容貌瑰傑志氣宏放將濟辟為掾

後謝病去為尚書

郎遷步兵校尉卒

顏延年沈約等注

夜中不能寐起坐彈鳴琴薄帷鑑明月清風吹我衿

廣雅

曰鑑照也

孤鴻號外野朔鳥鳴北林

廣雅曰號鳴也

徘徊將何見憂

思獨傷心

嗣宗身仕亂朝常恐罹謗遇禍因茲發詠故每有憂生之嗟雖志在刺譏而文多隱避百

代之下難以情測故粗明大意畧其幽旨也

二妃遊江濱逍遙順風翔交甫懷環珮婉孌有芬芳猗

靡情歡愛千載不相忘

列仙傳曰江妃二女出遊江濱交甫遇之餘與韓詩內傳同已

見南都賦王逸楚辭注曰在衣曰懷毛萇詩傳曰婉孌少好貌子虛賦曰扶與猗靡

傾城迷下蔡

容好結中腸

漢書李延年歌曰一顧傾人城登徒子好色賦曰臣東家之子嫣然一笑惑陽城迷

下蔡感激生憂思諼草樹蘭芳膏沐為誰施其雨怨朝陽

趙岐孟子章指曰千載聞之猶有感激毛詩曰焉得諼草言樹之背又曰豈無膏沐誰適為容又曰其雨其雨果果出日鄭玄曰人言其雨其雨果果然日復出猶吾言伯且來伯且來則復不來也伯且君子字如何

金石交一旦更離傷

沈約曰婉孌則千載不忘金石之交一旦輕絕未見好德如好色善

曰漢書曰楚王使武涉說韓信曰足下雖自以為與漢王為金石交然今為漢王所禽矣

嘉樹下成蹊東園桃與李

顏延年曰左傳季孫氏有嘉樹善曰班固漢書李廣贊曰

諺曰桃李不言下自成蹊

秋風吹飛藿零落從此始

沈約曰風吹飛藿之時蓋桃李

零落之日華實既盡柯葉又彫無復一毫可悅善曰說文曰藿豆之葉也楚辭曰惟草木之零落繁華有

憔悴堂上生荆杞

言無常也文子曰有榮華者必有愁悴班固答賓戲曰朝為榮華夕為憔悴

悴山海經曰暉夕之山下為荆杞郭璞曰杞枸杞

驅馬舍之去去上西山趾

山西

夷齊所居言欲從之以避世禍

一身不自保何況戀妻子

沈約曰榮悴去就此人本

無保身之術況復妻子者乎

凝霜被野草歲暮亦云已

沈約曰歲暮風霜之時徒

然而已耳善曰繁霜已凝歲亦暮止野草殘悴身亦當然楚辭曰激凝霜之紛紛字書曰凝水堅也毛詩曰歲

聿云暮蒼頡篇曰已畢也

昔日繁華子安陵與龍陽

史記華陽夫人姊說夫人曰不以繁華時樹本說苑曰安

陵君纒得寵於楚恭王江乙謂纒曰吾聞以財事人者財盡則交絕以色事人者華落則愛衰子安得長被幸

乎會王出獵江渚有火若雲蜺咒從南方來正觸王膝
善射者射之咒死於車下王謂繆曰萬歲後子將誰與
樂繆泣下沾衣曰大王萬歲後臣將殉恭王乃封繆車
下三百戶故江乙善謀安陵善知時龍陽君釣十餘魚
而棄因泣下王曰有所不安乎對曰無王曰然則何為
涕出對曰臣始得魚甚喜後得益多而又欲棄前之所
得也今以臣免惡而得拂枕席今爵至人君走人於庭
避人於塗四海之內其美人甚多矣聞臣之得幸於王
畢褰裳而趨王臣亦懼之所得魚也亦將棄
矣安得無涕出乎王乃布令敢言美人者族
天天桃李
花灼灼有輝光
毛詩曰桃之夭灼灼其華
悅懌若九春
磬折似秋
霜
春秋元命苞曰陽氣數成於三故時別三月陽數極於九故三月一時九十日宋襄曰四時皆象此類不
惟春也尚書大傳曰諸侯
來受命周公莫不磬折
流盼發姿媚言笑吐芬芳
神女

賦曰陳嘉辭而云對吐芬芳其若蘭

攜手等歡愛宿昔同衣裳

廣雅曰宿夜也

願

為雙飛鳥比翼共翱翔

建安中無名詩曰中有雙飛鳥自名為鴛鴦

丹青著

明誓永世不相忘

以財助人者財盡則交絕以色助人者色盡則愛弛是以嬖女不繫席嬖

男不繫與安陵君所以悲魚也亦豈能丹青著誓永代不忘者哉蓋以俗衰教薄方直道喪攜手笑言代之所重者乃足傳之永代非止耻會一時故託二子以見其意不在分挑斷袖愛嬖之懼丹青不渝故以方誓善曰東觀漢記光武詔曰明設丹青之信廣開束手之路

天馬出西北由來從東道

漢書曰天馬來從西極涉流沙九夷服天馬來歷無草經

千里循東道張晏曰馬從西而來東也沈約云由西北來東道也

春秋非有託富貴焉

常保

沈約曰春秋相代若環之無端天道常也譬如天馬本出西北忽由東道況富之與貧貴之與賤易

至乎善曰鄭玄禮

記注曰託止也

清露被皋蘭凝霜霑野草

迅疾也楚辭曰皋蘭

被徑今斯露漸凝霜已見上文古詩曰白露沾野草

朝為媚少年夕暮成醜老自

非王子晉誰能常美好

王子晉已見上文

登高臨四野北望青山阿

應劭風俗通曰莖之郭北北首求諸幽之道

松栢

翳岡岑飛鳥鳴相過

仲長子昌言曰古之莖植松柏梧桐以識其墳

感慨懷辛

酸怨毒常苦多

蒼頡篇曰懷抱也史記太史公曰怨毒之於人甚矣哉廣雅曰毒痛也

李

公悲東門蘇子狹三河求仁自得仁豈復歎咨嗟

沈約曰河

南河東河北秦之三川郡古人呼水皆為河耳蘇子以
兩周之狹小不足逞其志力故去佩六國相印也云二
子豈不知進趨之近禍敗哉常以夾利貨賂故冒而
行之所謂求仁得仁也松柏岡岑丘墓所在也古有皆
死之義莫有免者焉達者安小大之涯各遂分內之樂
委天任命以至於俱為一丘之土夫何異哉故因北望
山阿而發此句明祖謝之理雖同天逝之途則異也感
慨之來誠逝者所不免至於顛沛道天怨毒求生蘇子
李斯張本也善曰李斯已見西征賦蘇秦已見左太冲
詠史詩漢書東方朔曰漢興去三河之地止灞漘以西
論語子貢曰伯夷叔齊何人也子曰古
之賢人曰怨乎曰求仁而得仁又何怨
蟋蟀鳴牀帷開秋初開也楚辭曰開春發歲兮四子講
德論曰蟋蟀侯秋吟毛詩曰十月蟋蟀入我
牀下感物懷殷憂悄悄令心悲古詩曰感物懷所思韓詩
曰耿耿不寐如有殷憂毛

詩曰憂心悄悄
愠于羣小

多言焉所告繁辭將訴誰

沈約曰重言之猶云懷哉懷哉

善曰論衡曰甘議繁辭終不見信

微風吹羅袂明月耀清暉晨雞鳴高

樹命駕起旋歸

樂錄曰雞鳴高樹巔古辭孔叢子孔子歌曰巾車命駕將適唐都毛詩曰薄言

旋歸

平生少年時輕薄好絃歌

論語曰久約不忘平生之言范曄後漢書曰光武曰孝孫

素謹輕薄見誤之孝孫劉嘉字

西遊咸陽中趙李相經過

顏延年曰趙漢成帝趙后

飛燕也李武帝李夫人也並以善歌妙舞幸於二帝也善曰史記曰秦作咸陽徙都也

娛樂未終

極白日忽蹉跎驅馬復來歸反顧望三河黃金百鎰盡

資用常苦多北臨太行道失路將如何

少年之日志好絃歌及乎歲晚

旋歸路失財盡同乎太行之于當如之何乎戰國策曰魏王欲攻邯鄲季梁聞之中道而反衣焦不信頭塵不浴往見王曰今者臣來見人於太行乃北面而持其駕告臣曰我欲之楚臣曰之楚將奚為北面曰吾馬良臣曰雖良此非楚之道也曰吾用多臣曰雖多此非之楚之路也曰吾善御此數者逾善而離楚逾遠耳今王動欲成霸王舉欲信於天下恃王國之大兵之精銳而欲攻邯鄲以廣地尊名王之動逾數而離王逾遠耳猶至楚而北行也高誘曰面向也駕馬也之至也月資也賈逵國語注曰一鎰二十四兩

昔聞東陵瓜近在青門外連畛距阡陌子母相鉤帶五

色曜朝日嘉賓四面會

軼當為畛宋袁太玄經注曰畛界也說文曰畛井田間陌也孔

安國尚書傳曰距至也子母五色俱謂瓜也史記曰邵平者故秦東陵侯秦破為布衣貧種瓜於長安城東瓜美故時俗謂之東陵瓜從邵平始也漢書曰霸城門民間所謂青門也毛詩曰我有嘉賓膏火自煎

熬多財為患害布衣可終身寵祿豈足賴

沈約曰當東陵侯侯服之

時多財爵貴及種瓜青門匹夫耳實由善於其事故以味美見稱連畛距陌五色相照非唯周身瞻已乃亦坐致嘉賓夫得固易失榮難久恃膏以明自煎人以財興累布衣可以終身豈寵祿之足賴哉善曰莊子曰山木自寇也膏火自煎也漢書疏廣曰愚而多財則益其過左氏傳曰石碯曰四者之來寵祿過也又宋華元曰不能治官敢賴寵乎

步出上東門北望首陽岑

河南郡圖經曰東有三門最北頭曰上東門河南郡境界

簿曰城東北十里首陽山上有首陽祠一所

下有采薇士上有嘉樹林

沈約曰夷

齊尚不食周粟況取之以不義者乎善曰史記曰武王平殷伯夷叔齊恥之義不食周粟隱於首陽山采薇而食之顏延年曰史記通策傳曰無蟲曰嘉林

良辰在何許疑霜霑衣衿寒風

振山岡玄雲起重陰

沈約曰良辰何許言世路險薄非良辰也風霜交至凋殞非一玄雲

重陰多所壅蔽是以寄言夷齊望首陽而嘆息善曰東征賦曰撰良辰而將行王仲宣詩曰白露沾衣

鳴

鴈飛南征鵙鵙發哀音

沈約曰此鳥鳴則芳歇也芬芳歌矣所存者飛鵙耳善曰楚辭

曰鴈邕邕而南遊又曰鵙鵙鳴之先鳴使夫百草為之不芳

素質遊商聲悽愴傷我

心沈約曰致此彫素之質由於商聲用事秋時也遊字應作由古人字類無定也善曰禮記曰孟秋之月其

音商鄭玄曰秋
氣和則音聲調

昔年十四五志尚好詩書

論語子曰吾十有五而志于學杜預左氏傳注曰尚上之

耳被褐懷珠玉顏閔相與期

家語子路問於孔子曰有人於此被褐而懷玉何如

孔子曰國無道可也國有道則衆覓而執玉也顏回已見幽通賦史記曰閔損字子騫

開軒臨四

野登高望所思丘墓蔽山岡萬代同一時

方言曰冢大者為丘王逸

楚辭注曰小曰丘

千秋萬歲後榮名安所之乃悟羨門子噉噉

今自蚩

沈約曰自我以前徂謝者非一雖或稅駕參差同為今日之一丘大豈異哉故云萬代同一時

也若夫被褐懷珠託好詩書開軒四野昇高永望志事不同徂沒理一追悟羨門之輕舉方自笑耳善曰戰國

策曰楚王謂安陵君曰寡人萬歲千秋之後誰與樂此矣淮南子曰死有遺業生有榮名薛綜西京賦注曰安

馬也史記曰始皇使燕人盧生求羨門章

昭曰古仙人也說文曰虫笑也嗤與虫同

徘徊蓬池上還顧望大梁

漢書地理志曰河南開封縣東北有蓬池或曰即宋蓬澤

也入陳留郡有浚

儀縣故大梁也

綠水揚洪波曠野莽茫茫

毛詩曰率彼曠野楚

辭曰莽茫茫之無涯毛萇曰茫茫廣大貌

走獸交橫馳飛鳥相隨翔是時鷄

火中日月正相望

左氏傳曰晉侯伐虢公問卜偃曰吾其濟乎對曰克之其九月十月之交

乎鷄火中必是時也杜預曰夏之九月十月也尚書曰惟二月既望孔安國曰十五日日月相望也朔風

厲嚴寒陰氣下微霜

爾雅曰朔北方也杜預左氏傳注曰厲猛也曾子曰陰氣騰則凝為

霜

羈旅無疇匹俛仰懷哀傷

左氏傳曰陳敬仲曰羈旅之臣也

小人計

其功君子道其常豈惜終惟悴詠言著斯章

沈約曰豈惜終惟悴

蓋由不應憔悴而致憔悴君子失其道也小人計其功而通君子道其常而塞故致憔悴也因乎眺望多懷兼以羈旅無匹而發此詠善曰孫卿子曰天有常道君子有常體君子道其常小人計其功

炎暑惟茲夏三旬將欲移

南方為火主夏火性炎上故謂夏月為炎暑也薛君韓詩

章句曰惟辭也鄭玄

芳樹垂綠葉清雲自逶迤

淮南子曰志厲

毛詩箋曰炎熱氣也

清雲楚辭曰載

四時更代謝日月遞差馳

孫卿子曰日月遞照四時

雲旗之逶迤

徘徊空堂上忉怛莫我知

毛詩曰勞心忉忉又曰勞心忉忉楚辭曰國無人兮

莫我願覩卒歡好不見悲別離

言四時代移日月遞運
年壽將盡而人莫已知

云 惡被讒和橫 遭擯斥故
願卒歡好不見離別

灼灼西隕日餘光照我衣

楚辭曰日杳杳而西頽

迴風吹四壁寒

鳥相因依周周尚銜羽蛩蛩亦念飢

韓子曰鳥有周周者首重而屈尾將

欲飲於河則必顛乃銜羽而飲今人之所有飲不足者不可以不索其羽矣爾雅曰西方有比肩獸焉與邛邛

磬折忘所歸。豈為夸譽名。憔悴使心悲。

沈約曰天寒即
飛鳥走獸尚知

相依周周銜羽以免顛仆蛰蛰負屨以美草而當路者
知進趨不念暮歸所安為者惟夸譽名故致憔悴而心

悲也善曰孟子公孫丑問曰夫子當路於齊管晏之功可復許乎蔡母遽曰當仕路也營折已見上文呂氏春秋曰古之人有不肯富貴者由重生故也非夸以名也為其實也司馬彪莊子注曰夸虛名也鄭玄禮記注曰名令

寧與鷺雀翔不隨黃鵠飛黃鵠遊四海中路將安

歸沈約曰若斯人者不念已之短翮不隨燕雀為侶而欲與黃鵠比遊黃鵠一舉冲天翱翔四海短翮追而不逮將安歸乎為其計者宜與燕雀相隨不宜與黃鵠齊舉善曰漢書息夫躬絕命辭曰玄雲決勢將安歸

獨坐空堂上誰可與歡者出門臨水路不見行車馬登

高望九州悠悠分曠野孤鳥西北飛離獸東南下日暮

思親友晤言用自寫

毛詩曰彼美淑姬可與晤言鄭玄曰晤對也

北里多奇舞漢上有微音

史記曰紂使師涓作新聲北里之舞禮記曰桑間濮上之

音亡國之音也

輕薄閒遊子俯仰乍浮沉捷徑從狹路僂俛趣

荒淫

輕薄之輩隨俗浮沉棄彼大道好從狹路不尊恬淡競赴荒淫言可悲甚也漢司馬遷書曰從俗浮

沉與時俯仰

焉見王子喬乘雲翔鄧林獨有延年術可以慰

我心

子喬離俗以輕舉全性以保真其人已遠故云焉見其法不滅故云可慰心楚辭云譬若王喬之乘

雲兮載赤雲而陵太清山海經曰夸父與日競逐而渴死其杖化為鄧林楚辭曰延年不死兮壽何所止方言曰延長也毛詩曰仲山父永懷以慰其心毛萇曰慰安也

湛湛長江水上有楓樹林

楚辭曰湛湛江水兮上有楓樹

卑蘭被徑路

青驪逝駸駸

韋蘭已見上文楚辭曰青驪結駸齊千乘毛詩曰駕彼駟牡載驟駸駸毛萇曰駸駸

駸貌駸駸

七林切

遠望令人悲春氣感我心三楚多秀士朝雲進

荒淫

孟康漢書注曰舊名江陵為南楚吳為東楚彭城為西楚呂氏春秋曰舜耕於歷山秀士從之高唐

賦曰妾旦為朝雲

朱華振芬芳高蔡相追尋一為黃雀哀涕下

誰能禁

戰國策曰莊辛諫楚王曰郢必危矣王獨不見黃雀俯喙白粒仰栖茂樹鼓翅奮翼自以為與

人無爭不知夫公子王孫左挾彈右攝丸以其頸為的畫遊茂樹夕調酸醢耳黃雀其小者也蔡靈侯因是已南遊高陵北陵巫山飲茹溪之流食湘波之魚左視幼妻右擁嬖女與之驂騁乎高蔡之中而不以國為事不知夫子發受命于靈王繫已以朱絲而見之也蔡靈侯之事其小者也君王自因是已左州侯從鄢陵與壽陵

君飯封祿之粟戴方府之金與之馳乎雲夢之中而不
以天下國家為事不知夫穰侯方謀受命乎秦王填澠
池之塞內投已澠池塞之外襄王聞顏色變四體戰慄
於是乃執珪中投之封以為陽陵君延叔堅戰國策論
曰因是已因事已復有是也茹谿谿流所沃者美好也
孔叢子賈子陽謂子思曰吾念周室將滅涕泣不禁禁
也止

秋懷詩一首

五言

謝惠連

平生無志意少小嬰憂患

平生已見上文
說文曰嬰少也

如何乘苦心

矧復值秋晏

古詩曰晨風懷苦心
淮南子曰秋士哀也

皎皎天月明奕奕河

宿爛

古詩曰明月何皎皎薛君韓詩章句曰
奕奕盛貌毛詩曰子彈視夜明星有爛

蕭瑟含風

蟬寥戾度雲鴈

楚辭曰秋之為氣也蕭
瑟今草木搖落而變衰

寒商動清閨孤

燈暖幽幔

寒商秋風也楚辭曰商風肅而害之百草
育而不長王逸楚辭注曰暖暖闇昧貌

耿

介繁慮積展轉長宵半

楚辭曰獨耿介而不
隨毛詩曰展轉反側

夷險難豫

謀倚伏昧前算

夷險謂道以喻時也演連珠曰才經夷
險不為世屈淮南子曰接徑歷遠直道

夷險謂冠子曰禍兮福
之所倚福兮禍之所伏雖好相如達不同長卿慢

達謂
通達

不拘禮也嵇康高士傳司馬長卿讚曰長卿慢世越禮
自放犢鼻居市不恥其狀託疾避患蔑比卿相乃至仕

人超然
莫尚

頗悅鄭生偃無取白衣官

偃謂偃仰仕也范曄
後漢書曰鄭均字仲

虞東平任城人也公車特徵再遷尚書後病乞骸骨拜
議郎告歸因稱病篤帝東巡過任城乃幸均舍敕賜尚
書祿以終身故人
號為白衣尚書
未知古人心且從性所翫賓至可命

觴朋來當染翰

秋興賦序曰染翰操紙慨然而賦

高臺驟登踐清波時

陵亂

爾雅曰水止絕流曰亂

頽魄不再圓傾羲無兩旦

魄月魄也羲羲和謂

也日金石終消毀丹青斲彫煥

張綱集曰書功金石圖形丹青

各勉玄髮

歡無貽白首歎

阮籍詠懷詩曰玄髮發朱顏聯聘有光華嵇康有白首賦

因歌遂成

賦聊用布親串

爾雅曰串習也古患切

臨終

臨終詩一首

五言

歐陽堅石

王隱晉書曰石崇外甥歐陽建渤海人也為馮翊太守趙王倫之為征西

擾亂關中建每匡正不從私欲由是有隙及乎倫篡止勸淮南王允誅倫未行事覺倫收

之及母妻無少長皆行斬刑孫盛晉陽秋曰建字堅石臨刑作

伯陽適西戎子欲居九蠻

列仙傳曰老子西遊尹喜見之與老子俱之流沙之西魏

武飲馬長城窟行曰四時隱南山子欲適西戎論語曰子欲居九夷

苟懷四方志所在可

遊盤

左氏傳晏氏謂晉公子曰子有四方之志尚書曰乃盤遊無度

况乃遭屯蹇顛沛

遇災患

平聲周易曰屯如遭屯又曰往蹇來連孔叢子歌曰遂邇不復自嬰屯蹇論語子曰顛沛必於

是

古人達機兆策馬遊近關

周易曰機者動之微吉之先見者也左氏傳遽伯玉

曰璣不得聞君之出敢聞其入遂行從近關出也

咨余冲且暗抱責守微官

孔安

國尚書傳曰冲童也賈逵國語注曰暗不明也孟子曰吾聞有官守者不得其職則去有言責者不得其言則

去

潛圖密已構成此禍福端

爾雅曰圖謀也莊子曰而子身若槁木之枝而心若

死灰若是禍亦不至福亦不來禍福無有惡有人災故叔上吳王書曰福生有基禍生有胎傳子曰福生有兆

禍生無端方

恢恢六合間四海一何寬天網布絃網投

足不獲安

老子曰天網恢恢疎而不失山海經曰地之所載六合之間許慎淮南子注曰絃維也解

嘲曰欲行者擬足而投迹

松柏隆冬瘁然後知歲寒

孫卿子曰松柏經冬而不彫論

語子曰歲寒然後知松柏之後彫

不涉太行險誰知斯路難

淮南子曰何為九山

曰太行羊腸高誘曰太行今上黨太行河內野王縣

真偽因事顯人情難豫觀窮

達有定分慷慨復何歎

平聲孟子曰窮則獨善其身達則兼善天下呂氏春秋曰百里

吳處虞而虞亡處秦而秦霸有其本也其本也者定分之謂也

上負慈母恩痛酷摧心

肝

說文曰負受貨不償然受恩不報亦謂之負也方言曰傳云慈母怒子折髮以笞之

下顧所憐

女惻惻中心酸

鄭玄毛詩箋曰顧念也

二子棄若遺念皆遘凶殘

毛詩曰將安將樂棄余如遺

不惜一身死惟此如循環

薛君韓詩章句曰惟念也

尚書大傳曰三王之統若備連環周則復始也

執紙五情塞揮筆涕洟瀾

文子曰昔

者中黃子曰色有五色文章人有五情漢書息夫躬絕命辭曰涕泣流兮薜蘭墮曰薜蘭涕泣闌干也薜與沈同

哀傷

幽憤詩一首

四言 魏氏春秋曰康及吕安事為詩自責吕安事已見思舊賦班固史

遷述曰幽而發憤乃思乃精

嵇叔夜

嗟余薄祜少遭不造

蔡邕書曰邕薄祜早喪二親毛詩曰閔予小子遭家不造鄭玄曰造

成也不造言家道未成也

哀瑩靡識越在緇縠

左氏傳后成叔曰閔君越在他境淮南子

曰成王幼在緇縠之中張華博物志曰緇縠縠為之廣八寸長丈二以約小兒於背上韋昭漢書注曰縠若今

時小兒腹衣李奇
曰繇小兒大藉也
母兄鞠育有慈無威
嵇氏譜曰康兄喜字公穆歷徐

揚州刺史太僕宗正卿母孫氏毛萇詩傳
曰鞠養也毛詩曰父兮生我母兮鞠我
恃愛肆姐不

訓不師
賈逵國語注曰肆恣也說文曰姐嬌也嬌與姐同耳姐子豫切
爰及冠帶憑

寵自放抗心希古任其所尚
廣雅曰希庶也趙岐孟子章句曰各崇所尚則義不

虧矣說文曰
託好老莊賤物貴身
嵇喜謂康長好老莊之業恬靜無欲淮南

子曰原道者欲一言之而悟則尊天而保真欲再言之而通則賤物而貴身也莊子曰真者精誠之志
志

在守樸養素全真
老子曰見素抱樸少私寡欲河上公曰抱守也薛綜東京賦注曰樸質也

莊子盜跖謂孔子曰子之道非可以
全真者也又曰真者精誠之志也
曰余不敏好善闇

人謂與呂安交也孝經曰參不敏何足以知之左傳曰吳公子札來聘見叔孫穆子曰子好善而不能擇人

也子玉之敗屢增惟塵子玉楚太夫也左氏傳曰楚子將圍宋使子文治兵於睢終朝

而畢不戮一人子玉復治兵於蔿終日而畢鞭七人貫三人耳國老皆賀子文子文飲之酒蔿賈尚幼後至不

賀子文問之對曰不知所賀子之傳政於子玉子玉之敗子之舉也舉以敗國將何賀焉毛詩曰無將大車維

塵冥冥鄭玄曰喻大夫進舉小人適自作憂患也大人含弘藏垢懷恥周易曰

大品物咸亨左氏傳伯宗謂晉侯曰國君舍垢說文曰懷藏也杜預曰忍垢恥也民之多僻政

不由己毛詩曰民之多僻無自立僻鄭玄曰民行多邪僻者汝君臣之過無自謂得法度論語曰為仁

由惟此褊心顯明臧否褊心康自謂也郭璞爾雅注曰惟餘論辭也毛詩曰惟是褊心

是以惟刺又曰於乎小子未知臧否感悟思愆怛若創痍西京賦曰所惡成創痍蒼頡篇

曰痍毆傷也方言曰怛痛也說文曰痍瘕也漢書音義曰以杖毆擊人刺其皮膚起青黑無創者謂瘕痍欲

寡其過謗議沸騰

論語曰蘧伯玉使人於孔子孔子問焉曰夫子何為對曰夫子欲寡其過

而未能也漢賈山曰古者庶人謗於道商旅議於市毛詩曰百川沸騰性不傷物頻致怨

憎

莊子仲尼謂顏回曰聖人處物不傷者亦不能致傷也

昔慙柳惠今愧孫登

柳下

惠已見西征賦魏氏春秋曰初康采藥於中山北見隱者孫登康欲與之言登默然不對踰年將去康曰先生

竟無言乎登乃曰子才多識寡難乎免於今之世也內負宿心外慙良朋

鄭玄禮記注曰

負之言背也趙壹報羊陟書曰惟君朋儕平其宿心爾雅曰慙慙也毛詩曰每有良朋

仰慕嚴鄭

樂道閒居

漢書曰谷口有鄭子真蜀有嚴君平皆修身保性成帝時元舅王鳳以禮聘子真子真遂

不詘而終君平卜筮於成都市以為卜筮賤業而可以惠衆日閱數人得百錢足以自養則閉肆下簾而授老

子年九十餘遂以其業終論語子曰貧而樂漢書曰司馬相如稱疾閒居與世無營神氣晏

如蔡邕釋誨曰安貧樂賤與世無營淮南子曰古人神氣不蕩於外漢書曰揚雄室亡僮石之儲猶晏如也

咨予不淑嬰累多虞毛萇詩傳曰咨嗟也毛詩曰子之不淑云如之何左氏傳趙孟曰以

晉國之多虞匪降自天寔曰頑疎毛詩曰下民為孽匪降自天嘽嘽背憎職競由人

理弊患結卒致囹圄杜預左氏傳注曰弊壞也禮記曰仲春省囹圄鄭玄曰所以守禁繫者

泰曰囹圄對答鄙訊繫此幽阻言已對答之辭鄙於見漢曰獄訊也張晏漢書曰訊者

三日復問知之與前辭同不也杜預左
氏傳注曰繫拘執也鄙俚也訊問也
實恥訟免時不

我與

論語曰陽貨曰日月逝矣歲不我與文雖出此
而意微殊亦不以文害意也免或為寬非也雖

曰義直神辱志沮

毛萇詩傳曰沮
壞也才與切

澡身滄浪豈云能補

孟子孺子歌曰滄浪之水清兮可以濯我纓滄浪之水
濁兮可以濯我足孔子曰小子聽之清斯濯纓濁斯濯
足矣自取之也劉歆答父書曰誠思拾遺冀以云補喈喈鳴雁奮翼北遊順時而

動得意忘憂

毛詩曰難難鳴雁管子桓公曰夫鴻鵠有
時而南有時而北又曰鴻鵠秋南而不失

時嗟我憤歎曾莫能儔

毛詩曰嗟我懷人說文
曰曾辭之舒也儔等也事與願

違遘茲淹留

淹留謂因繫而留也
爾雅曰淹留久也

窮達有命亦又何求

王命論曰窮達有命吉凶由人毛詩曰謂我何求

古人有言善莫近名

莊子曰為善莫

近名為惡莫近刑司馬彪曰勿修名也被褐懷玉穢惡其身以無陋於形也郭象曰忘善惡而居中任萬物之

自為

奉時恭默咎悔不生

尚書曰恭默思道周易曰悔吝者憂虞之象也曾子曰惟

欣忠信咎故不生可為孝矣

萬石周慎安親保榮

漢書曰萬石君奮長子建為郎中令

建老白首萬石君尚無恙每五日洗沐歸謁親建為郎中令奏事事下建自讀之驚恐曰書馬者與尾而五今

乃四不足一獲譴死矣其為謹慎雖他皆如此論語摘輔像譏曰曾子未嘗不問安親之道也孔安國尚書注

曰周世務紛紜祇攪予情

漢書曰嚴安徐樂上書言世務毛詩曰祇攪我心攪亂也

祇適

安樂必誠乃終利貞

家語金人銘曰安樂必戒無行所悔王肅曰雖處安樂必

警戒也周易曰

乾元亨利貞

煌煌靈芝一年三秀

西京賦曰擢靈芝之朱柯楚辭曰采

三秀於山間王逸曰三秀謂芝草也

予獨何為有志不就

楚辭曰云有志而無諂爾雅曰

就成

懲難思復心焉內疚

潘元茂九錫文曰懲難念功毛詩曰既往既來我心永疚

疚病也

庶最將來無馨無臭

爾雅曰最勉也毛詩曰上天之載無聲無臭

采薇

山阿散髮巖岫

采薇已見上文琴操許由曰散髮優遊所以安已不懼也范曄後漢書曰袁閭

散髮絕世

永嘯長吟頤性養壽

杜篤連珠曰能離光明之顯長吟永嘯爾雅曰頤養也東

方朔非有先生論曰故養性受命之士莫肯進禮記曰百年曰期頤鄭玄曰頤猶養也

七哀詩一首

五言

曹子建

贈答子建在仲宣之後而此在前誤也

明月照高樓流光正徘徊

夫皎月流輝輪無輟照以其餘光未沒似若徘徊前覺以

為文外傍情

斯言當矣

上有愁思婦悲歎有餘哀

古詩曰憫慨有餘哀

借問

歎者誰言是客子妻君行踰十年孤妾常獨棲君若清

路塵妾若濁水泥

漢書民歌曰涇水一石其泥數斗

浮沉各異勢會合

何時諧

爾雅曰諧和也

願為西南風長逝入君懷

古詩曰從風入君懷四坐

莫不歎

君懷良不開賤妾當何依

史記驪姬曰以賤妾之故廢嫡立庶

七哀詩二首

五言

王仲宣

西京亂無象豺虎方遘患

左氏傳晉侯問於士弱曰吾聞之宋災於是乎知有天道

可必乎對曰國亂無象不可知也班固漢書張耳陳餘述曰據國爭權還為豺虎遘與構同古字通也道經曰

執大象天下往河上公注曰執守也象道也聖人守大道則天下萬民移心歸往也復棄中國去

遠身適荆蠻

荆蠻已見登樓賦毛詩曰蠢爾蠻荆毛萇曰蠻荆荆州之蠻也

親戚對我

悲朋友相追攀出門無所見白骨蔽平原路有飢婦人

抱子棄草間顧聞號泣聲揮涕獨不還

言迴顧雖聞其子號泣之聲但

知揮涕獨去不復還視也家語曰文伯卒敬姜曰二三婦無揮涕王肅曰揮涕不哭揮涕以手揮之也未

知身死處何能兩相完

此婦人之辭也
說文曰完全也

驅馬棄之去不

忍聽此言南登霸陵岸迴首望長安

漢書曰文帝葬霸陵

悟彼下

泉人喟然傷心肝

毛詩序曰下泉思治也
曹人思明王賢伯也

荆蠻非我鄉何為久滯滛

國語曰底著滛滛
賈逵曰滛久也

方舟溯大

江日暮愁我心

爾雅曰大方舟郭璞曰併兩
船也爾雅曰逆流而上曰溯流

山峒有

餘映巖阿增重陰

通俗文曰
日陰曰映

狐狸馳赴穴飛鳥翔故林

皆言不忘本也文子曰鳥飛之鄉依其所
主也楚辭曰鳥飛之故鄉狐死必守丘

流波激清響

猴猿臨岸吟迅風拂裳袂白露霑衣衿

楚辭曰擊迅風
於清涼禮記曰

孟秋之月白露降說苑曰孺子不覺露之沾衣

獨夜不能寐攝衣起撫琴

漢書曰沛

公起攝衣延鄭食其也韓子曰師涓靜坐撫琴

絲桐感人情為我發悲音

史記曰騶

忌以鼓瑟見齊威王王曰夫治國家何為絲桐之間也

羈旅無終極憂思壯難任

羈旅已見上文

七哀詩二首

五言

張孟陽

藏榮緒晉書曰張載字孟陽武邑人也有才華起家拜著作佐郎稍遷領著作遂

稱疾抽簪告

歸卒於家

北芒何壘壘高陵有四五

廣雅曰壘重也古樂府詩曰還望故鄉鬱何壘壘北芒山

名也壘壘塚相次之貌

借問誰家墳皆云漢世主恭文遙相望原

陵鬱臙臙

范曄後漢書曰葬孝安皇帝於恭陵又曰葬文帝於文陵又曰葬光武皇帝於原陵毛萇

曰臙臙

肥美也

季世喪亂起賊盜如豺虎

左氏傳曰叔向曰齊其何如晏子曰此季

世也韋昭國語注曰季末也豺虎已見上文

毀壤過一坏便房啓幽戶

一坏喻少

也漢書張釋之曰假令愚人取長陵一坏土何如漢書注曰使房冢墳中空也

珠柙離玉體珍

寶見剽虜

魏文帝典論曰喪亂以來漢氏諸陵無不發掘至乃燒取玉柙金鏤體骨并盡西京雜記

曰漢帝及王侯送死皆珠襦玉匣玉匣形如鎧甲連以金鏤枚乘七發曰太子玉體不安說文曰剽劫人也又

虜獲也漢書注曰虜與同如淳曰鹵鈔掠也

園寢化為墟周墉無遺堵

漢書曰自

高祖下至宣帝各自居陵傍立廟又園中各有寢便殿
又曰自貢禹建迷毀之議遂毀惠景廟及太上寢園廢
而為墟爾雅曰塙謂之墉毛萇
詩傳曰一丈為板五板為堵
蒙籠荆棘生蹊逕登童

豎狐兔窟其中蕪穢不及掃

關中記曰漢諸陵守衛掃除廣雅曰掃除也餘見下

注掃蘇老切

頽隴並墾發萌隸營農圃

蒼頡篇曰墾耕也毛詩曰墾發爾私鄭玄

曰墾疾也發伐也疾耕發其私田也司馬相如上林賦曰地可墾闢悉為農郊以墾萌隸

昔為萬乘

君今為丘山土

漢書曰天子畿方千里兵車萬乘故稱萬乘之主方言曰冢大者為丘淮南子

曰吾死也有一棺之土

感彼雍門言悽愴哀今古

桓子新論曰雍門周以琴見孟

嘗君曰臣竊悲千秋萬歲後墳墓生荆棘狐兔穴其中掘免牧豎踟躕而歌其上行入見之悽愴孟嘗君之尊

貴如何成此乎孟嘗君
喟然歎息淚下承睫

秋風吐商氣蕭瑟掃前林

王逸楚辭注曰商風西風也
秋氣起則西風急疾鸛鵲賦

曰涼風
蕭瑟

陽鳥收和響寒蟬無餘音

陽鳥春鳥也禮記曰
孟秋寒蟬應陰而鳴

則天涼故謂之寒蟬楚
辭曰蟬寂寞而無聲

白露中夜結木落柯條森

呂氏春秋

曰秋氣至
則草木落

朱光馳北陸浮景忽西沉

朱光日也楚辭曰
陽杲杲其朱光續

漢書云日行北陸謂之冬杜預左氏傳注曰陸道
也孔安國尚書注曰浮行也說文曰景日光也

顧望

無所見惟覩松柏陰

松柏立墓
已見上文

肅肅高桐枝翩翩栖孤

禽

禮記曰草木皆肅鄭玄
曰肅謂枝葉縮栗也

仰聽離鴻鳴俯聞蜻蛚吟

易通

卦驗曰立秋蜻蛚鳴
禁邑月令章句曰蟋蟀蟲名
俗謂之蜻蛚蟋蟀吟
已見上文注蜻音精蛚音列
哀人

易感傷觸物增悲心

秦嘉答婦詩曰
哀人易感傷

丘隴日已遠纏綿

彌思深

古詩曰相去日已遠張升與任
房堅書曰纏綿思好庶蹈高蹤

憂來令髮白誰

云愁可任

古詩曰座中何人誰不懷憂令
白頭登樓賦曰誰憂思之可任

徘徊向長

風淚下霑衣衿

楚辭曰戀長風以徘徊又曰向長
風而舒情又曰泣歐歎而沾襟

悼亡詩三首

五言
亡卿玄詩箋曰悼傷也

潘安仁

荏苒冬春謝寒暑忽流易

荏苒猶漸也冉冉歲月流貌
也王逸楚辭注曰謝去也列

子曰寒暑易節之子歸窮泉重壤永幽隔

之子謂妻也毛詩曰之子于歸百兩御之

琴賦曰披重壤以誕載私懷誰克從淹留亦何益

神女賦曰情獨私懷誰者可語

說文曰懷念思也楚辭曰倚躊躇以淹留

僂俛恭朝命迴心反初役

毛詩曰僂俛從

事不敢告勞役謂所任也王充論衡曰充罷州役

望廬思其人入室想所歷

家語

孔子曰思其人愛其樹說文曰歷過也

帷屏無髣髴翰墨有餘迹

廣雅曰帷帳也

聲類作幃說文曰彷彿相似見不歸也

歸田賦曰揮翰墨以奮藻

流芳未及歇遺挂猶

在壁

洛神賦曰步蘅薄而流芳廣雅曰挂懸也

悵恍如或存周遑忡驚惕

王逸

楚辭注曰恍失意也如彼翰林鳥雙栖一朝隻

曹植善哉行曰如彼翰鳥或飛戾天

王弼周易注曰翰鳥飛也曹植種
葛篇曰下有交頸禽即雙栖禽也如彼遊川魚比目中

路析

爾雅曰東方有比目魚焉不比不行

春風緣隙來晨雷承檐滴

說文曰雷

屋承水也

寢息何時忘沉憂日盈積

宋玉笛賦曰武穀發沉憂結

庶幾有

時衰莊岳猶可擊

郭璞爾雅注曰庶幾微幸也莊子妻死惠子吊之方箕踞鼓盆而歌惠子

曰與人居長子老身死不哭亦足矣又鼓盆而歌不已甚乎莊子曰不然是其始死也我獨何能無慨察其始而本無生非徒無生而本無復人見偃然寢於巨室而我噉噉隨而哭之自以為不通乎命故止

皎皎窗中月照我室南端

室南端室之南正門

清商應秋至溽暑

隨節闌

秋風為商已見上文禮記曰季夏土潤溽暑

凜

凜涼風升始覺夏衾單

古詩曰涼歲云暮毛其詩傳曰衾被也

豈曰無重

纘誰與同歲寒

毛詩曰豈曰無衣與子同袍孔安國尚書傳曰纘細綿也

歲寒無與

同朗月何朧朧

毛詩曰叔兮伯兮靡所與同埤蒼曰朧朧欲明也

展轉盼枕蓆

長簟竟牀空

展轉已見上文

牀空委清塵室虛來悲風

莊子曰空穴來

風司馬彪曰門戶孔空風善從之古詩曰白楊多悲風

獨無李氏靈髣髴爾容

桓子新論曰武帝所幸李夫人死方士李少君言能致其神乃夜設燭張帷令帝居他帳遙見好女似夫人之

狀還帳坐也

撫衿長歎息不覺涕霑胸

漢書公孫獲曰累撫衿魏武帝苦寒行曰

延頸長歎息魏文帝歌行曰不覺淚下霑衣裳

霑胸安能已悲懷從中起

史記曰文

帝意慘悽悲懷魏武帝
短行歌曰憂從中來

寢興目存形遺音猶在耳

毛詩曰言

念君子載寢載興禮記曰色不忘乎目楊修傷天賦曰
悲體貌之潛翳兮日常存乎遺形左氏傳晉穆羸曰今

君雖終言

上慙東門吳下愧蒙莊子

列子曰魏有東門吳者死子而不憂

猶在耳

莊子蒙人故

賦詩欲言志此志難具紀

尚書曰詩言志賈逵國語注曰

云蒙莊子

紀猶命也可奈何長戚自令鄙

魚豢與畧趙岐卒歌曰有志無時命也奈何論

語曰小人長戚戚長篇
賦曰長戚之士能閒居

曜靈運天機四節代遷逝

楚辭曰角宿未旦曜靈焉藏廣雅曰曜靈日也陳琳柳賦

曰天機之運旋夫何逝之速也莊子天運篇曰天其運乎郭子玄曰不運而自行也

淒淒朝露凝

烈烈夕風厲

毛詩曰秋日淒淒又曰冬日烈烈飄風發發

奈何悼淑儷儀容

永潛翳

左氏傳施氏婦曰已不能庇其伉儷杜預曰儷偶也魏太祖祭橋玄文曰幽靈潛翳邈哉緬矣

念此如昨日誰知已卒歲

蒼頡篇曰昨隔日也毛詩曰無衣無褐何以卒歲

改

服從朝政哀心守私制茵幘張故房朔望臨爾祭

鄭玄禮記

注曰茵褥也毛詩箋曰幘床帳也

爾祭詎幾時朔望忽復盡衾裳一毀

撤千載不復引

爾雅曰引陳也

疊疊朞月周戚戚彌相愍

楚辭曰時

疊疊而過中又曰居戚戚而不解

悲懷感物來泣涕應情隕

感物已見上文毛詩

曰涕既隕之

駕言陟東阜望墳思紆軫

毛詩曰駕言出遊又楚辭曰鬱結紆軫兮

離慙而
長鞠

徘徊墟墓間欲去復不忍

禮記周鄭曰墟墓之間未施哀於民而民

哀徘徊不忍去徙倚步踟躕

毛詩序曰彷徨不忍去楚辭曰步徙倚而遠思落

葉委埏側枯茨帶墳隅

聲類曰埏墓埏也方言曰茨根也

孤魂獨煢煢

安知靈與無

曹子建贈白馬王彪詩曰孤魂翔故城楚辭曰魂煢煢兮不遑寐

投心遵

朝命揮涕強就車

揮涕已見上文

誰謂帝宮遠路極悲有餘

毛詩

曰誰謂宋遠莊子曰知反帝宮禮記子路曰吾聞諸夫子喪禮與其哀不足而禮有餘也不若禮不足而哀有餘也

廬陵王墓下作一首

五言 宋武帝子義真封廬陵王未之藩而高祖崩廬陵

聰敏好文常與靈運周旋屬少帝失德朝廷謀廢立之事次在廬陵言廬陵輕詔不任主社稷因其與少帝不協徐美之等奏廢廬陵為庶人徙新安郡美之使使殺廬陵也後有讒靈運欲立廬陵王遂遷出之後知其無罪追還至曲阿過丹陽文帝問曰自南行來何所制作對曰過廬陵王墓下作一篇

謝靈運

曉月發雲陽落日次朱方

越絕書曲阿為雲陽縣左氏傳曰吳伐楚以報朱方之役

杜預曰朱方吳也吳地記曰吳改朱方曰丹徒

含悽泛廣川灑淚眺連崗

史記曰春

申君曰廣川大水山林谿谷楚辭曰還顧高丘泣如灑青鳥子汲冢書曰天子葬高山諸侯葬連崗

眷言

懷君子沉痛結中腸

毛詩曰眷言顧之阮籍詠懷詩曰容好結中腸

道消結憤

憊運開申悲涼

道消少帝之日運開文帝之初也沈約宋書曰少帝諱義符武帝長子即位為

邢安泰所害周易否卦曰小人道長君子道消白虎通曰天子崩赴諸侯何緣臣子哀痛憤懣無能不告諸侯者也春秋說題辭曰天子崩黎庶殞涕海內悲涼宋均曰涼愁也

神期恒若存德音初

不忘

家語曰今之言五帝三王者威靈若存王肅曰其威與明靈常若存也毛詩曰彼美孟姜德音不忘

徂謝易永久松柏森已行

尚書曰帝乃徂落毛詩曰我行永久曹植寡婦詩曰高墳

鬱兮薤薤松

延州協心許楚老惜蘭芳

新序曰延陵季子將西聘晉帶

柏森兮成行
實劍以過徐君徐君不言而色欲之季子為有上國之事未獻也然心許之矣使於晉顧反見徐君死於是

劍帶徐君墓樹而去漢書曰龔勝者楚人也字君賓勝卒一老父來吊其哭甚哀既而曰嗟乎薰以香自燒膏

以明自銷龔先生竟天天年非吾徒也遂趨而出解劍莫知其誰徐州先賢傳曰楚老者彭城之隱人也解劍

竟何及撫墳徒自傷

解劍已見上注潘岳虞茂春誄曰缺撫墳兮告辭皆莫能令仰視顧

愷之拜宣武墓詩曰遠念義昔存撫墳哀今亡

平生疑若人通蔽互相妨

若人謂延

州及楚老也令德高遠是通也解劍撫墳是蔽也論語子謂子賤曰君子哉若人桓子新論曰漢高祖建立鴻基俾功湯武及身病得良醫弗用專委婦人歸之天命亦以誤矣此必通人而蔽者也理感深情

慟定非識所將

言已往日疑彼三人迨乎今辰已亦復耳斯則理感既深情便悲慟定非心識

之所能行也王隱晉書曰荀彧與傅嘏善夏侯玄亦親常調嘏玄曰子等在世業間功名玄必勝我識減我耳

誠難曰能成功名者識也天下孰有本不足而末有餘者樂曰功名局之所發然則志自一物耳固非識之所獨齊我以能役子等為貴未能齊子所為也毛萇詩傳曰將行也

脆促良可哀天枉特

兼常

莊子曰其生也柔脆其死也枯槁趙岐孟子章句曰良甚也

一隨往化滅安用空

名揚

莊子曰已化而生又化而死孝經曰揚名於後世

舉聲泣已灑長歎不成

章

孟子曰君子之志於道也不成章不達

拜陵廟作一首

五言 沈約宋書曰漢儀上陵歲以為常魏無定制江左元帝崩後

諸侯始有謁陵辭陵事蓋率情而舉非京洛之舊自元嘉以來每正月輿駕必謁初寧陵復漢儀

顏延年

周德恭明祀漢道尊光靈

周書曰冬助王恭明祀東觀漢記上賜東平王蒼書曰今

送光烈皇后衣一篋今魯國孔氏尚有仲尼車輿冠履明德盛者光靈遠也

哀敬隆祖廟崇

樹加園塋

漢書房中歌曰乃立祖廟敬明尊親如淳漢書注曰塋墓田也

逮事休命始

投迹階王庭

休命始高祖之初也禮記曰逮事父母尚書曰陣于商郊俟天休命莊子曰多物將

往投迹者衆周易曰夫揚于王庭

陪廁迴天顧朝譙流聖情

毛詩曰不

無背無側爾德不明時無陪無卿鄭玄毛詩箋曰迴首曰顧

早服身義重晚達生戒

輕

服服事也早服思淺也故以存身之義為重也達宦達也晚達思厚故以養生之戒為輕也王逸晉書孔

坦上表曰士死如遇恩令命輕

否來王澤竭泰往人悔形

否來泰往少帝之時也否

泰易二卦名言王之德澤既竭人之悔吝形見班固西
都賦序曰王澤竭而詩不作周易曰悔吝者憂虞之象
也列子曰公孫朝不知世道之安危人理之悔吝周易
曰否之匪人不利君子貞又曰泰君子道長小人道消
救躬慙積素復與昌運并

孝經鉤命決曰救躬未濟汲
汲孳孳者四子講德論曰非

有積素累舊之懼春秋孔演圖曰帝當
會昌成封岱宗宋均曰應會之期耳

恩合非漸漬榮

會在逢迎

論語糾滑識曰漸漬以道廢消乃行職國
策曰田光造燕太子跪而逢迎却行爲道

夙

御嚴清制朝駕守禁城束紳入西寢伏軫出東垆

紳大帶也

論語子曰赤也束帶立於朝西寢廟在西
也莊子曰宣尼伏軾而嘆東垆陵所在也

衣冠終冥漠

陵色轉蔥青

漢書曰自高祖以下各自居陵傍立廟月
一遊衣冠吊魏武文曰悼鮑帳之冥漠漢

書景帝紀曰作陽陵張晏曰景帝作
壽陵起邑南都賦曰章陵鬱以青蔥
松風遵路急山煙

冒寵生

說文曰冒覆也方言曰
秦晉之間塚謂之寵

皇心憑容物民思被歌

聲

皇心謂文帝也司馬彪續漢書曰根車旋載容依被
歌聲班固漢書贊曰元帝自度曲放歌應劭曰持新

曲以為歌聲也然此言人
之思慕被在歌謳之聲

萬紀載絃吹千載託旒旌

漢書

詔曰制禮作樂各有由歌者所以發德也又曰聖王已
沒鐘鼓管絃之聲未衰儀禮士喪禮曰為銘各以其物
鄭玄曰銘明旌也以死者不可別故以其旗
識之以別貴賤故云表德也天子各有建也
未殊帝世

遠已同淪化萌

言帝威靈若存故未殊其遠而已贊
雖存其神已謝改同乎淪化之萌也
幼

壯困孤介未暮謝幽貞

漢書音義臣瓚曰介特
也周易曰幽人貞吉

發軌喪

夷易歸軫慎崎傾

以車之行喻已之仕也發軌弱冠也王武子答何劭詩曰計終收遐致發

軌將先起封禪書曰軌迹夷易易遵也歸軫暮年也楚辭曰觀軫丘兮崎傾

同謝諮議銅雀臺詩一首

五言 集曰謝諮議環魏志曰建安十五年冬

作銅雀臺魏武遺令曰吾伎人皆著銅雀臺於臺上施六尺床總帳朝晡上脯糒之屬月朔十五日輒向帳作伎汝等時時登銅雀臺望吾西陵墓田

謝玄暉

總帷飄井幹罇酒若平生

鄭玄禮記注曰凡布細而疎者謂之總今南陽有郢總淮

南子曰太構架與宮室有難栖井幹許慎曰皆屋構飭也司馬彪莊子注曰井幹井欄然井幹臺之通稱也鬱

鬱西陵樹詎聞歌吹聲

不敢指斥故以樹言之也

芳襟染淚迹嬋媛

空復情

楚辭曰心嬋媛而傷懷今王逸曰嬋媛牽引也

玉座猶寂寞況乃妾身

輕

易是謀類曰假威出座玉床鄭玄曰坐玉床處天之位也寡婦賦曰懼身輕而施重

出郡傳舍哭范僕射一首

五言 劉璠梁典曰天監二年僕射范雲卒任

昉自義興貽沈約書曰永念平生忽為疇昔然此郡謂義興也劉熙釋名曰傳舍言也使人所止息而去後人復來轉相傳也風俗通曰諸有傳信乃得舍於傳也

任彦昇

劉璠梁典曰任昉字彥昇樂安人年四歲誦詩數十篇十六舉秀才第一辭章

之美冠絕當時為寧朔將軍新安太守卒

平生禮數絕式瞻在國楨

國楨謂范雲也左氏傳曰名位不同禮亦異數女史曰式

瞻清懿毛詩曰思皇多士生此王國王國克生惟周之楨毛萇詩傳曰楨幹也

一朝萬化盡猶

我故人情

莊子曰若人之形者萬化而未始有極也史記范雎謂須賈曰應聽有故人之意

待

時屬興運王佐俟民英

易曰君子藏器於身待時而動班固漢書曰劉向稱董仲舒有

王佐之才也袁子正書曰立德踰禮謂之英子產季札人之英也

結歡三十載生死一

交情

左氏傳曰楚子使椒舉如晉曰寡君願結歡於二三君史記太史公云下邳翟公曰一死一生乃知

交攜手遁衰孽接景事休明

衰孽齊東昏侯也休明梁武帝也班固漢書述曰攜

手遁於秦鄭玄毛詩箋曰孽支庶也抱朴子曰攜手而遊接景而處左氏傳曰王孫滿曰德之休明

運阻

衡言革時泰玉階平

曾子曰天下有道則君子訥然以交同天下無道則衡言不革孔安

國尚書曰衡平也言平常之言也彼言不革此言革言亂之甚也長楊賦曰玉衡正而泰階平澹冲得

茂彥夫子值狂生

傳暢讚曰王戎字濬冲戎為選官時江夏李重字茂曾汝南李穀字茂彥

重以清尚毅淹而通二人操異俱處要職戎以識會待之各得其用夫子謂范雲狂生昉自謂也梁典曰范雲為吏部尚書又曰昉為東廡侍郎淮南子曰臺無所鑒謂之狂生高誘曰臺持也所鑒者玄德故為狂生臺古握字也漢書曰酈食伊人有涇渭非余揚濁清

伊人謂范雲也

鯨核人物涇渭殊流非余狂生能揚清激濁毛詩曰涇以渭濁湜湜其沚孫綽曰涇渭殊流雅鄭異調曹子建

贈丁儀詩曰將乖不忍別欲以遣離情

言將乖之初不忍便訣欲留少

涇渭揚濁清

頃以遣離
曠之情也

不忍一辰意千齡萬恨生

言昔日將乖不忍一辰之意況今千

齡永隔萬恨俱生者乎毛萇詩傳曰辰時也應璩與許子後書曰前別倉卒情意不悉追懷萬恨

已矣

平生事詠歌盈篋笥

新序孫叔敖曰篋篋之衆簡書說文曰篋笥也

魚復相嘲

謔常與虛舟值

蒼頡篇曰嘲調也字書曰嘲亦嘲也毛詩曰善戲謔兮莊子曰方舟而濟於河

有虛舟來觸舟雖有禍心之人不怒也

何時見范侯還敘平生意與子別

幾辰經塗不盈旬

左氏傳曰日月之會是謂辰以子丑配甲乙也經猶歷也

弗覩朱

顏改徒想平生人

楚辭曰美人既醉朱顏酡又曰容則秀雅雅朱顏

寧知安歌

日非君撤瑟晨

楚辭曰猶憤積而哀娛兮翔江州而安歌王逸曰安息歌令自寬慰也儀禮曰有

疾病者齊
撒琴瑟

已矣余何歎輟春哀國均

史記趙良謂商鞅曰五穀大夫死秦

國男女流涕春者不相杵毛詩曰尹氏太史維周之成無國之均四方是維毛萇曰均平也

贈答上

贈蔡子篤詩一首

四言 晉官名曰蔡睦字子篤為尚書

王仲宣

翼翼飛鷺載飛載東

翼翼飛貌也鷺喻子篤也楚辭曰高翔翔之翼翼毛詩曰載飛載鳴

我友云徂言戾舊邦

蔡氏譜曰睦濟陽人毛詩曰我友敬矣人曰周雖舊邦

舫舟

翩翩以沂大江

楚辭曰將舫舟而下流舫與方同

蔚矣荒塗時行靡通

董仲舒士不遇賦
曰懼荒塗而難踐
慨我懷慕君子所同
毛詩曰慨我寤

而慕
思也
悠悠世路亂離多阻
毛詩曰悠悠南行
又曰亂離瘼矣
濟岱江衡

邈焉異處
濟岱近兗州子篤所往江衡近荊州仲宣所居也
風流雲散一別如

雨
鸛鵲賦曰何今日以雨絕陳琳檄吳將校
人生實難

願其弗與
張奐與崔子書曰人生實難所務非此
瞻望遐路允企伊佇
毛詩

曰瞻望弗及佇立以泣又曰跂予望之
鄭玄曰跂足可以望見之跂與企同
烈烈冬日肅肅

淒風
毛詩曰冬日烈烈左氏傳申豐曰春無淒風
潛鱗在淵歸雁載軒
魚雁言時

候也毛詩曰魚潛在淵鄭玄曰寒則逃於淵史記
曰楚人有好以弱弓微繳加歸雁之上軒飛貌
苟非

鴻鵬孰能飛翻

因所見而言之毛詩曰匪鵑匪鵑翰飛戾天毛萇注曰鵑鵬也

雖則進

慕予思罔宣

法言曰夫進也者進於道慕於德尚書曰予思日孜孜

瞻望東路慘

愴增歎率彼江流矣逝靡期

毛詩曰率彼淮浦

君子信誓不遷

于時

毛詩曰言笑晏晏信誓旦旦

及子同寮生死固之

左氏傳曰先蔑之使也荀

林父止之曰同官為寮吾嘗同寮敢不盡心乎

何以贈行言授斯詩

晏子春秋曰曾子將

行晏子送曰嬰聞贈人以財不若以言請以言乎夫蘭本三年成而湛之以酒則君子不近湛之鹿醢貨以匹

馬願子尅求所湛

中心孔悼涕淚漣漣

毛詩曰中心是悼周易曰泣血漣漣如杜預左氏

傳注曰而語助也

嗟爾君子如何勿思

毛詩曰君子行役如之何勿思

贈士孫文始一首

四言 三輔決錄趙岐注曰士孫孺子名萌字文始少有才學

年十五能屬文初董卓誅也父瑞知王允必敗京師不可居乃命萌將家屬至荊州依劉表去無幾果為李傕等所殺及天子都許昌追論誅董卓之功封萌為澹津亭侯與山陽王粲善萌當就國繫等各作詩以贈萌於今詩猶存也

王仲宣

天降喪亂靡國不夷

毛詩曰天降喪亂滅我立王又曰亂生不夷靡國不泯廣雅曰夷滅

也我暨我友自彼京師

爾雅曰暨與也毛詩曰自彼氏羌

宗守盭失越

用遁違

杜預左氏傳注曰越遠也鄭玄禮記注曰遁逃也孔安國尚書注曰違避也

遷于荆

楚在漳之湄

山海經曰荆山漳水出焉毛詩曰居河之湄

在漳之湄亦克晏

處

劉歆七略曰晏處從容觀詩書

和通荒墳比德車輔

毛詩曰伯氏吹塤仲氏吹篪毛

萇云土曰墳竹曰篪鄭玄曰其相應和如塤篪左氏傳曰宮之奇曰諺所謂輔車相依唇亡齒寒其虞虢之謂

手

既度禮儀卒獲笑語

毛詩曰獻酬交錯禮儀卒度笑語卒獲

庶茲永日

無讐厥緒

毛詩曰且以喜樂且以永日尚書曰荒陞厥緒

雖曰無讐時不我已

鄭玄毛詩箋曰已與也

同心離事乃有逝止

張衡怨詩曰同心離居絕我中腸

橫

此大江淹彼南汜

楚辭曰橫大江兮揚靈王逸曰橫度大江揚已精誠也毛詩曰江有汜之

子歸不我

思弗及載坐載起

毛詩曰瞻望弗及張衡怨詩曰我聞其聲載坐載起

惟彼南汜君子居之

論語曰君子居之何陋之有

悠悠我心薄言慕

之

毛詩曰青青子衿悠悠我心又曰采芣采芣薄言采之

人亦有言靡日不思

毛詩

曰人亦有言靡哲不愚又曰有懷于衛靡日不思

矧伊嫵婉胡不悽而

毛詩曰矧伊人

矣又曰人無兄弟胡不比焉

晨風夕逝託與之期

毛萇詩傳注曰晨風鷦也楚辭曰因

歸鳥而致詞焉

瞻仰王室慨其永歎

毛詩曰瞻仰昊天尚書曰以蕃王室

毛詩曰慨其歎矣又曰我思肥泉茲之永歎

良人在外誰佐天官

毛詩曰維此良人弗

求弗迪尚書曰天工人其代之孔安國曰人代天理官不以天官私非其材

四國方阻俾爾

歸蕃爾之歸蕃作式下國

毛詩曰四國于蕃又曰俾爾多益尚書曰世世享德萬邦

作式鄭玄毛詩箋曰式法也毛詩曰命于下國

無曰蠻裔不虔汝德

賈逵國語注曰虔敬

也

慎爾所之率由嘉則

毛詩曰慎爾出話又曰不愆不忘率由舊章又曰仲山甫之德

柔嘉龍雖勿用志亦靡忒

周易曰潛龍勿用陽在下也鄭玄毛詩箋云忒差也

悠

悠澹澹鬱彼唐林

荊州圖曰漢壽縣城南一百步有澹水出縣西陽山又曰澧陽縣蓋即澧

水為名也在郡西南接澧水晉書曰天門有零陽縣南平即有作唐縣盛弘之荊州記曰零陽東接作唐然此

三縣連延相接唐林即唐地之林也

雖則同域邈其迥深

爾雅曰迥遠也

白駒

遠志古人所箴允矣君子不遐厥心既往既來無密爾

音

毛詩曰皎皎白駒在彼空谷生芻一束其人如玉無金玉爾音而有遐心又曰允矣君子展也大成

贈文叔良一首

四言 良南陽人繁欽集又云為荊州從

事文叔良作移零陵文而繁集又有贈叔良詩
獻帝初平中王粲倚荊州劉表然叔良之為從
事益事劉表也詳其詩
意似聘蜀結好劉璋也

王仲宣

翩翩者鴻率彼江濱

毛詩曰翩翩者騅說
文曰翩翩飛疾貌

君子于征爰

聘西隣

毛詩曰之子于
征西隣謂蜀也

臨此洪渚伊思梁岷

楚辭曰伊
思兮往古

爾行孔邈如何勿勤君子敬始慎爾所主

老子曰慎終
如始則無敗

事孟子曰吾聞之觀近臣以其所為主觀遠臣以其所
主趙岐曰近臣當為遠方來賢者為主遠臣而至主於

在朝臣之賢者也

謀言必賢錯說申輔

鄭玄禮記注曰賢善也所言說當申相輔也申

或為車非也

延陵有作僑肸是與

公孫僑子產也羊舌肸叔向也左氏傳曰吳公子札

聘於鄭見子產如舊相識與之編帶子產獻紵衣適晉說叔向將行謂叔向曰吾子勉之君侈而多良大夫皆

富政將在家吾子直必思自免於難也

先民遺跡來世之矩

毛詩曰先民有作溫恭朝

夕尚書曰予恐來世以台為口實

既慎爾主亦迪知幾探情以華觀著

知微

華喻貌越絕書子胥曰聖人見微知著觀始知已

視明聽聰靡事不惟

論語

孔子曰君子有九思視思明聽思聰字林曰惟思也

董褐荷名胡寧不師

國語曰吳晉爭

長未成吳王昏乃戒令秣馬食士於是晉師大駭乃令董褐請事曰兩君偃兵接好日中為期今大國越境而

造於弊邑之軍壘敢請辭故吳王親對之曰天子有令
周室既卑約貢獻莫入上帝鬼神而不可以之告孤用
視聽命於藩籬之外董褐既致命乃告趙鞅曰觀吳王
之色頗有大憂小則嬖妾嫡子死不則國有大難大則
越入吳將毒不可與戰王其許之然而不可徒許也趙
孟許諾晉乃令董褐復命曰曩君之言周室既卑諸侯
失禮於天子今君掩王東海以淫名聞於天下有短垣
而自踰之況蠻荆則何有於周室夫諸侯無二君而周
無二王君若卑天子以于其不祥而曰吳公孤敢不順
從君命長弟吳王許諾及退就幕而會吳公先軟晉侯
亞之韋昭曰董褐晉大夫司
馬寅也毛詩曰胡寧忍子
衆不可蓋無尚我言

家語
金人

銘曰君子知天下之不可蓋也故
下之廣雅曰尚高也我穀良也
梧宮致辯齊楚構患

說苑曰楚使使者聘於齊齊王饗之於梧宮使者曰大
哉梧乎王曰江海之魚必吞舟大國之樹必巨圍使者

何怪馬使者曰然昔者燕攻齊焚雍門飲馬於淄澠定
獲於琅邪王與太后奔莒逃於成陽之山散問當此之
時梧之大小何如王命陳先生對之陳子曰臣不如貂
勃貂勃對曰使者為問植梧之始邪昔楚無道殺子胥
之父父子胥奔吳吳以為相後將兵伐楚王復父讎楚王
奔隨吳王入郢子胥親射宮門鞭平王之墳當此之時
乃梧始生之年也齊楚於是

成功有要在衆思歡

尚書帝曰成允

成功惟汝賢又曰有倫有要

人之多忌掩之實難

左氏傳秦伯謂公孫枝曰夷吾其定

乎對曰今其言多忌難哉

瞻彼黑水滔滔其流

尚書曰華陽黑水惟梁州毛詩曰滔

滔江漢南國之紀

江漢有卷允來厥休

言彼二國席卷而來信汝之異也言江漢之君

有席卷之志信服而來自是其美非汝之功也漢書劉敬說高祖曰今陛下徑往卷蜀漢定三秦

二邦

若否職汝之由

言彼二國若懷不順此汝之由毛詩曰邦國若否仲山甫明之毛萇詩傳曰若

順也否猶臧否也謂善惡也左氏傳曰范宣子數諸戎曰言語滿深則職汝之由也

緬彼行人鮮

克弗留

少能不留言多淹留也賈逵國語注曰緬思貌也左氏傳曰行人言使人也毛詩曰靡不有初

鮮克有終尚哉君子異于他仇

左氏傳楚子木語范武子之德王曰尚矣哉能敬神人杜

預曰尚上也毛萇詩傳注曰仇匹也

人誰不勤無厚我憂

楚辭曰惟天地之無窮哀生民

之長勤我惟詩作贈敢詠在舟

言為詩以贈者有在舟之義憂患同也鄧析子

曰同舟渡海中流遇風救患若一

贈五官中郎將四首

五言

劉公幹

昔我從元后整駕至南鄉

元后謂曹操也至南鄉謂征劉表也尚書曰衆非元后何

戴張衡思玄賦曰爰整駕而亟行毛詩曰維汝荆楚居國南鄉

過彼豐沛都與君共翺

翔

豐沛漢高祖所居以喻燕也君謂五官也毛詩曰將翺將翔

四節相推斥季冬風

且涼

四節已見潘安仁悼亡詩周易曰寒暑相推而歲成焉廣雅曰斥推也

衆賓會廣坐

明鐙熇炎光

史記侯嬴曰公子自是迎嬴羣衆廣坐之中楚辭曰蘭膏明燭華鐙錯鐙與燈音義

同廣雅曰熇熇也熇大明貌火其切

清歌製妙聲萬舞在中堂

毛詩曰公庭萬舞鄭

玄曰萬舞千舞也

金罍含甘醴羽觴行無方

毛詩曰我姑酌彼金罍楚辭曰瑤漿

審勺實羽腸

長夜忘歸來聊且為大康

毛詩曰無已大康職思其居

四牡

向路馳歡悅誠未央

四牡謂驥駒也漢書王式曰聞之於師客歌驥駒主人歌無庸歸音

義曰逸詩篇名也

余嬰沉痾疾竄身清漳濱

禮記曰身有痾疾說文曰痾久也漢書曰魏郡武始縣漳

水至邯鄲入漳山海經曰少山清漳水出焉東流于濁漳之水

自夏涉玄冬彌曠十餘

旬

揚雄羽獵賦曰玄冬季月天地隆烈杜預左氏傳注曰彌遠也蒼頡篇曰曠踈曠也

常恐游岱

宗不復見故人

援神契曰太山天帝孫也主召人魂尚書曰至於岱宗太山為四岳宗也

所

親一何篤步趾慰我身

左氏傳為啓疆曰今君親步玉趾

清談同日夕

情盼敘憂勤

毛詩曰朝夕思念至於憂勤也

便復為別辭遊車歸西隣

西隣鄴都

素葉隨風起廣路揚埃塵逝者如流水哀此遂離

分

論語曰子在川上曰逝者如斯夫不舍晝夜

追問何時會要我以陽春

楚辭

曰無衣裳以御冬恐死不得見乎陽春

望慕結不解貽爾新詩文

蔡邕琴師賦曰

詠新詩以悲歌

勉哉修令德北面自寵珍

左氏傳曰忠為令德北面臣位也禮記曰

君之南鄉答陽之義也臣之北面答君之義也

秋日多悲懷感慨以長歎

毛萇詩傳曰秋士悲也

終夜不遑寐敘

意於濡翰

毛詩曰不遑假寐楚辭曰魂恍恍兮不遑寐韋昭漢書注曰翰筆也

明銓曜閔

中清風淒已寒白露塗前庭應門重其關楚辭曰白露紛紛以塗毛詩

曰乃立應門爾雅曰正門謂之應門四節相推斥歲月忽欲殫禮記曰歲既殫矣

壯士遠出征戎事將獨難壯士謂五官也漢書高祖曰壯士行何畏出征謂在孟津

也魏志曰建安十六年文帝立為五官中郎將典略曰建安二十二年魏郡大疫徐幹劉楨等俱逝然其間惟有鎮孟津及黎陽而無所征伐故疑出征謂在孟津也以在鄴故曰出征以有兵衛故曰戎事也涕泣

灑衣裳能不懷所歡涕泣幹自謂也

涼風吹沙礫霜氣何皚皚易通卦驗曰巽氣不至則大風揚沙礫小石也說文曰皚

皚霜雪貌劉歆遂初賦曰漂積雪之皚皚今哀切明月照緹幕華燈散炎輝緹丹

色也華燈已見上文

賦詩連篇章極夜不知歸

論衡曰興論立說結連篇章者文人

鴻儒也

君侯多壯思文雅縱橫飛

漢儀制曰列侯為丞相稱君侯大戴禮曰天子

不知文雅之辭少師之任

小臣信頑鹵俛安能追

儀禮曰小臣正辭李尤東觀賦

曰臣雖頑鹵慕小雅斯千數詠之矣俛已見上文論語曰參也魯孔安國曰魯鈍也魯與鹵同

贈徐幹一首

五言

劉公幹

誰謂相去遠隔此西掖垣

毛詩曰誰謂宋遠跋余望之洛陽故宮銘曰洛陽宮有東

掖門西掖門

拘限清切禁中情無由宣

史記曰景帝居禁中禁中者門戶有禁非

侍御不得入楚辭
曰抒中情而為詩

思子沉心曲長歎不能言

毛詩曰在其板屋亂

我心曲古詩曰氣結不能言

起坐失次第一日三四遷步出北寺門

遙望西苑園

風俗通曰尚書侍御御史謂者所止皆曰寺也

細柳夾道生方塘

含清源

思玄賦曰旦余沐於清源

輕葉隨風轉飛鳥何翻翻

楚辭曰漂翻翻

其上

乖人易感動涕下與衿連仰視白日光皦皦高且

懸

毛詩曰謂余不信有如皦日毛萸曰皦白也楚辭曰晞白日兮皎皎

魚燭八絃內物類

無頗偏

韓子曰朱孺對衛靈公曰夫日魚燭天下一物不能當也揚雄解嘲云日月之經不千里則不

能燭六合耀八絃音義曰八方之綱維也尚書曰無偏無陂遵王之義

我獨抱深感不得

與比焉

贈從弟三首

五言

劉公幹

汎汎東流水磷磷水中石

呂氏春秋曰水泉東流日夜不休毛詩曰揚之水白石磷

磷毛萇傳曰清微也

蘋藻生其涯華紛何擾弱采之薦宗廟可以

羞嘉客

蘋藻以喻從弟也左氏傳君子曰苟有明信澗谿沼沚之毛蘋蘩蕰藻之菜可薦於鬼神可羞

於王公毛詩曰所謂伊人於焉嘉客

豈無園中葵懿此出深澤

古詩曰青青園中葵

朝露待日晞爾雅曰懿美也

亭亭山上松瑟瑟谷中風風聲一何盛

松枝一何勁冰霜正慘淒終歲常端正

楚辭曰霜露懽淒而交下豈

不羅凝寒松柏有本性

凝嚴也莊子曰天寒既至雪霜將降吾是以知松柏之茂也

鳳凰集南嶽徘徊孤竹根

鳳生丹穴故曰南嶽鄭玄毛詩箋曰鳳凰之性非竹實不

食亦喻從弟也

於心有不厭奮翅凌紫氛豈不常勤苦羞與黃

雀羣

黃雀喻俗士也

何時當來儀將湏聖明君

尚書曰鳳凰來儀孔安國曰聖

人受命則

鳳凰至



文選卷二十三

欽定四庫全書

集部
文選卷二十四至

詳校官庶吉士_臣汪彥博

助教_臣常循覆勘

總校官檢討_臣何思鈞

校對官編修_臣勵守謙

謄錄監生_臣薛夢陽

欽定四庫全書

文選卷二十四

梁蕭統編

唐李善註

贈答

贈徐幹一首

曹子建

驚風飄白日

忽然歸西山

夫曰麗於天

風生乎地而言

餘光審審以若飄然古步出夏門

行曰行行復行行白日薄西山

圓景光未滿眾星粲

以繁圓景月也論衡曰日月之體伏如正圓鄭玄毛詩箋曰景明也釋名曰望月滿之名也論語曰衆星

共之廣雅志士營世業小人亦不閑論語子曰志士仁人無求生以害人

孔叢子曰仲尼大聖聊且夜行遊遊彼雙闕間文昌鬱自茲以降世業不替

雲興迎風高中天劉淵林魏都賦注曰文昌正殿名也廣雅曰鬱出也爾雅曰興起也地理

舊曰迎風觀在鄴列子曰周穆王築臺號曰中天之臺春鵠鳴飛棟流焱激樞軒

爾雅曰扶搖謂之颶郭璞曰暴風從上下者焱與颶同古字通說文曰樞窻間也徐幹齊都賦曰窻樞參差景

納陽軒長廊顧念蓬室士貧賤誠足憐蓬室士謂徐幹也蒼頡篇曰顧

旋也列子曰北宮子庇其蓬室若廣廈之蔭薇蕢弗充虛皮褐猶不全墨子曰古

之人其為食也足以增氣充虛而已鄭玄周禮注曰
充足也淮南子曰貧人冬則羊裘短褐不掩形也

慨有悲心興文自成篇

說文曰慨壯士不得志於心也鄭玄考工記注曰興發也

寶棄怨何人和氏有其愆

寶以喻幹和氏喻知己也韓子曰楚人和氏得璞玉於楚

山之中奉而獻之武王武王使楚人相之玉人曰石也
明和氏左足武王薨成王即位和又獻之玉人又曰石
也明其右足成王薨成王即位和乃抱璞而哭於楚山
之下王使玉人理其璞而得寶焉遂名曰和氏之璧別
音別孔安國尚書傳曰愆過也彈冠俟知己知己誰不
然言欲彈冠以誰不同於棄寶而能相萬乎漢書曰
蕭育與朱博友往者有王陽貢公故長安語曰蕭朱結
綬王貢彈冠晏子春秋越石父曰良田無晚歲膏澤
多豐年良田膏澤喻士者伸乎知己有德也無晚

歲多豐年喻必榮也漢書曰翟義請陛下良田國語
子餘曰君若膏澤之使能成嘉穀毛詩曰豐年穰穰亮

懷璵璠美積久德逾宣

爾雅曰亮信也蒼頡篇曰懷抱也左氏傳曰李平子行東野還

未至卒于房陽虎將以璵璠飲杜預曰
璵璠美玉君所佩也璵音餘璠音煩

親交義在敦申

章復何言

莊子曰親交益疏孔安國尚書傳曰敦厚也又曰申重也

贈丁義一首

五言集云與都亭侯丁翼今云儀誤也魏畧曰丁儀字正禮太祖辟儀為掾

曹子建

初秋涼氣發庭樹微銷落

漢書考武傷李夫人凝霜依賦曰桂枝落而銷亡

玉除清風飄飛閣

楚辭曰微凝霜之紛紛字書曰凝冰堅也玉除階也說文曰除殿階也西

都賦曰玉除彤庭
又曰脩塗飛閣

朝雲不歸山霖雨成川澤

廣雅曰八月浮雲不

歸左氏傳曰凡雨
自三日已往為霖

黍稷委疇隴農夫安所獲

王逸楚辭注曰委棄

也說文曰疇耕治之田
也毛詩曰帥時農夫

在貴多忘賤為恩誰能博

言俗之常

情也狐白足禦冬焉念無衣容

言服狐白者不念無衣以喻處尊貴者多忘貧賤也

晏子春秋曰景公之時雨雪三日公被狐白之裘坐於
堂側謂晏子曰雨雪三日天下不寒何也晏子曰賢君

飽知人饑溫知人寒楚辭曰無衣裘
以禦冬毛詩曰無衣無褐何以卒歲

思慕延陵子寶劍

非所惜

言延陵不欺於死而況其生者乎故已思慕之冀異於俗也新序曰延陵季子將西聘晉帶寶

劍以過徐君徐君不言而色欲之季為有工國之事未
獻也然心許之矣致使於晉顧反則徐君死於是以劍

欽定四庫全書

卷二十四

帶徐君墓樹而去
廣雅曰惜愛也

子其寧爾心親交義不薄

贈王粲一首

五言

曹子建

端坐苦愁思攬衣起西遊

古詩曰攬衣起徘徊

樹木發春華清池

激長流中有孤鶩驚哀鳴求匹儔

鶩驚喻衆也毛萇詩傳曰鶩驚匹鳥也楚

辭曰覽可與兮匹儔

我願執此鳥惜哉無輕舟

言願執鳥而無輕舟以喻己之思衆

而無良會也賈逵國語注曰惜痛也戰國策蘇代曰水浮輕舟

欲歸忘故道顧望但懷

愁

傅毅七激曰無物可樂顧望懷愁鄭玄毛詩箋曰回首曰顧

悲風鳴我側義和逝

不留

楚詞曰哀江介之悲風又曰吾令羲和弭節兮王逸曰羲和日御也墨子曰時不可及日不可留

重陰潤萬物何懼澤不周

重陰以喻太祖蔡邕月令章句曰陰者密雲也

誰令

君多念自使懷百憂

毛詩曰我生之後逢此百憂

又贈丁儀王粲一首

五言集云答丁敬禮王仲宣異字敬禮今云儀誤也

曹子建

從軍度函谷驅馬過西京

魏志曰建安二十年公西征張魯漢書弘農縣故秦函谷

閩毛詩曰驅馬悠悠

山岑高無極涇渭揚濁清

毛萇詩傳曰涇渭相入而清濁異

壯哉帝王居佳麗殊百城

漢書曰高祖南過曲逆曰壯哉縣高誘戰國策注曰佳大

也麗美也謝承後漢書曰
黃琬拜豫州威遠百城
員闕出浮雲承露概泰清西

賦曰園闕疎以造天淮南子曰魏闕之高上際青雲西

都賦曰托仙掌與承露廣雅曰托摩也概與托同古字

通鵠冠子曰上及
皇佐揚天惠四海無交兵
也皇佐太祖

太清下及太寧
華賦曰建皇佐之高勲飛仁聲之顯赫左氏傳嚴尹克

黃曰君天也家語孔子曰君惠臣忠楚漢春秋吳廣說

陳涉曰王引兵西
權家雖愛勝全國為令名
也權家兵家

擊則野無交兵
呂尚其事多兵權與奇計孫子兵法曰用兵法全國為

上破國次之左氏傳子產曰令名德之興也鄭玄禮記

注曰名
君子在末位不能歌德聲
曰君子謂丁王也琴操

今聞也
不踰時德聲謂太
丁生怨在朝王子歡自營歡怨非貞

祖今德之聲也

則中和誠可經

言歡怨雖殊俱非忠貞之則惟有忠和樂職誠可謂經也漢書王莽使王褒作

中和樂職宣布詩如淳曰言王政中和在官者樂其職鄭玄周禮注曰經法也

贈白馬王彪一首

五言魏志曰楚王彪字朱虎武帝子也初封白馬王後徙封楚

集曰於周城作又曰黃初四年五月白馬王任城王與余俱朝京師會節氣到洛陽任城王薨至七月與白馬王還國後有司以二王歸藩道路宜異宿止意每恨之蓋以大別在數日是用自剖與王辭馬憤而成篇

曹子建

謁帝承明廬逝將歸舊疆

陸機洛陽記曰承明門後宮出入之門吾常謁帝承明

廣問張公云魏明帝作建始殿刻會皆由承明門毛詩曰迺將去汝舊疆鄭城也時植雖封雍丘仍居鄆城

清晨發皇邑日夕過首陽

陸機洛陽記曰首陽山在洛陽東北去洛二十里伊

洛廣且深欲濟川無梁

楚詞曰道壅塞而無梁達江河廣而無梁

泛舟越洪

濤怨彼東路長

國語曰秦泛舟于河西京賦曰起洪濤而揚波

顧瞻戀城闕引

領情內傷

其一毛詩曰顧瞻周道又曰在城闕兮左氏傳穆叔謂晉侯曰引領西望曰庶幾乎楚辭

曰永懷

太谷何寥廓山樹鬱蒼蒼

薛綜東京賦注曰太谷在洛陽西南風俗

道曰泰山松樹鬱鬱蒼蒼

霖雨泥我塗流潦浩縱橫

魏志曰黃初四年七月大雨伊

洛瀝流毛萇詩傳

中遠絕無軌改轍登高崗

毛詩曰蕭蕭兔置施

于中遠廣雅

脩坂造雲曰我馬玄以黃

其二毛詩曰陟彼高崗我馬玄

黃毛義曰玄

玄黃猶能進我思鬱以紆

楚詞曰願假黃以紆憂志紆鬱

其難釋王逸曰紆屈也鬱愁也

鬱紆將難進親愛在離居

楚辭曰將以遺兮離居

本圖相與偕中更不克俱

毛萇詩傳曰偕俱也

鴟梟鳴衡柜豺狼

當路衢

鴟梟豺狼以喻小人也毛詩曰懿厥哲婦為梟為鴟漢書杜文謂孫寶曰豺狼當路不宜復問

狐狸公羊傳曰楚莊王伐鄭放乎路衢何休注曰路衢郭內衢也

蒼蠅間白黑讒巧令

親疎

毛詩曰營營青蠅止於樊鄭玄曰蠅之為蟲汙白使黑汙黑使白喻佞人變亂善惡也廣雅曰間毀

也欲還絕無蹊攬轡止踟蹰

其下節毛詩曰搔首踟蹰而

躡亦何留相思無終極

漢書思夫躬絕命詞曰嗟若是欲何留也

秋風發微

涼寒蟬鳴我側

蔡邕月令章句曰寒蟬應陰而鳴鳴則天涼故謂之寒蟬也

原野何

蕭條白日忽西匿

楚詞曰山蕭條而無獸又曰日杳杳而西顧

歸鳥赴喬林

翩翩厲羽翼

毛詩曰翩翩者騅厲疾貌

孤獸走索羣銜草不遑食

尚書

曰不遑暇食

感物傷我懷撫心長太息

其四廣雅曰感傷也古詩曰感物懷所思

列子曰師襄乃撫心高蹈楚詩曰長太息以掩涕

太息將何為天命與我違

鄭玄

周易注曰命所受天命也楚詞曰屬天命而委之咸池王逸曰咸池天神也古詩曰同袍與我違毛萸詩傳曰

違離也謂不耦也

奈何念同生一往形不歸

魏志曰武皇帝卞皇后生任城王彰

陳思王植左氏傳曰鄭軍駟豐同生杜預曰罕子皮駟子哲豐公孫段也三家本同母兄弟也漢書武帝詔曰

梁王親慈同生願以邑分弟

孤魂翔故城

魏志城作城

靈柩寄京師

漢書貢禹

上書曰骸骨棄捐孤魂不歸

存者忽復過亡沒身自衰人生處一世

去若朝露晞

漢書李陵謂蘇武曰人生如朝露何久自若如此蘊露歌曰蘊上零露何易晞毛萇

詩傳曰晞乾也

年在桑榆間影響不能追

日在桑榆以喻人之將老東觀漢記光武

曰失之東隅收之桑榆仲長子昌言曰捷疾馳影響人間也

自顧非金石咄咄令心

悲

其五鄭玄毛詩箋曰顧念也古詩曰人生非金石豈能長壽考說文曰咄咄也丁兀切聲類曰咄大呼也

子夜切言人命叱呼之間或至天喪也

心悲動我神棄置莫復陳丈夫志

四海萬里猶比鄰恩愛苟不虧在遠分日親

鄧析子曰遠而親者

志相應也

何必同衾憐然後展慇勤

毛詩曰抱衾與裯毛萇曰余被也鄭

玄曰裯床帳也

憂思成疾疢無乃兒女仁

毛詩曰心之憂矣疢如疾

首史記曰呂公謂呂媼曰非兒之所知又

倉卒骨肉情

能不懷苦辛

其六李陵書曰前書倉卒骨肉謂兄弟也蘇子卿詩云骨肉緣枝葉古詩又曰輶軻

長苦

苦辛何慮思天命信可疑虛無求列仙松子久吾

欺

班固楚辭序曰帝閭宓妃虛無之語論衡曰傳稱赤松王喬好道為仙度世不死是又虛也魏武帝善哉

行曰痛哉世

變故在斯須百年誰能持

漢書谷永曰三郡所奏皆有變

故鄭玄周禮注曰故災也禮記君子曰禮樂不可斯須
去身鄭玄曰斯須猶須臾也古詩曰生年不滿百呂氏
春秋曰人之離別永無會執手將何時蔡琰詩曰念別
無會期毛詩曰

執子之手與子偕老王其愛玉體俱享黃髮期七祭曰太子玉體
不安東觀漢記太

子執報桓榮書曰君慎疾加餐重愛玉體杜
預左氏傳注曰享受也尚書曰詢茲黃髮收淚即長

路援筆從此辭其七韓詩外傳曰涼叔故治楚三年而
楚國霸楚使援筆而書於策蘇武詩曰

去去從此辭

贈丁翼一首

五言文士傳曰翼字敬禮
儀之弟也為黃門侍郎

曹子建

嘉賓填城闕豐膳出中厨

鄭玄禮記注曰填滿也毛詩曰我有嘉賓城闕已見上文

吾與二三子曲宴此城隅

論語子曰二三子以我為隱乎吾無隱乎爾毛詩曰俟我

干城隅

秦箏發西氣齊瑟揚東謳

楚辭曰扶秦箏而彈微歌錄有美女篇齊瑟行

史記蘇秦說秦王曰臨蜀甚富其民無不吹竽鼓瑟說文曰鉅齊歌也

肴來不虛歸觴至

反無餘我豈狎異人朋友與我俱

毛詩曰豈伊異人兄弟匪他爾雅曰狎習

也毛詩序曰伐木燕朋友故舊也

大國多良材譬海出明珠

禮斗威儀曰其君乘

金而王則江海出大貝明珠

君子義休侍小人德無儲

言君子之義美而且具小

人之德寡而無儲也說文曰侍持也

積善有餘慶榮枯

立可須

周易曰積善之家必有余慶
孔安國尚書傳曰須待也

滔蕩固大節世俗

多所拘

淮南子曰使神滔蕩而不失其充又曰
曲士不可與語至道拘於俗而束于教

君子道

大道無願為世儒

論衡曰說經者為世儒

贈秀才入軍五首

四言集云凡秀才公穆入軍贈
詩劉義慶集林曰嵇嘉字公穆

舉秀才

嵇叔夜

良馬既閑麗服有暉

毛詩曰良馬四之又曰君子之馬
既閑且馳鄭玄曰閑習也廣雅曰

麗好楊雄反騷曰
素初時厥麗服兮

左攬繁弱右接忘歸

新序曰楚王載
繁弱之弓忘歸

之天以射風馳電逝躡景追飛四子講德論曰風馳雨

賦曰飄風電逝舒疾無方凌厲中原顧盼生姿劉歆遂

七啓曰忽躡景而輕驚登句注以凌厲廣雅曰凌馳也厲上也攜我好仇載我

輕車毛詩曰君南凌長阜北厲清渠廣雅曰凌乘也王

也仰落驚鴻俯引淵魚盤于遊田其樂只且西京賦曰

其樂只且

輕車迅邁息彼長林春木載榮布葉垂陰習習谷風吹

我素琴毛詩曰習習谷風秦嘉婦徐咬咬黃鳥顧疇弄

氏書曰芳香既珍素琴又好

音

毛詩曰交交黃鳥古歌曰黃鳥鳴相追咬咬弄好音

感悟馳情思我所欽

古詩曰馳

情整中帶

心之憂矣永嘯長吟

毛詩曰心之憂矣我歌且謠杜篤連珠曰能離光明之顯

長吟永嘯

浩浩洪流帶我邦畿

毛萇詩傳曰畿疆也

萋萋綠林奮榮揚揮魚

龍澆潯山鳥羣飛

樂動聲儀曰風雨動魚龍仁義動君子上林賦曰澆潯實墜劉向七言曰

山鳥羣鳴我心懷

駕言出遊日夕忘歸

毛詩曰駕言出遊楚詞曰日將暮兮悵忘歸

思我良朋如渴如饑

毛詩曰每有良朋曹植青躬詩曰逆牽聖顏如渴如饑

願言

不獲愴矣其悲

張衡詩曰願言不獲終然永思曹植青躬詩曰心之云慕愴矣其悲

息徒蘭圃秣馬華山

蘭圃蕙圃也毛詩曰之子于歸言秣其馬毛萇詩傳曰秣養也華山

山有光流磻平皋綸長川

說文曰磻以石著繳也鄭玄毛詩箋曰釣者以絲為

之綸目送歸鴻手揮五絃

漢書曰周亞夫趨出上以目送之歸田賦曰彈五絃於妙指

俯仰自得游心泰玄

楚詞曰漢虛靜以恬輸兮澹無為以自得泰玄謂道也淮南子曰自

得者全其身者也全其身則與道為一矣

嘉彼釣叟得魚忘筌

莊子曰莊子釣於濮水之

上又曰筌者所以得魚也得魚而忘筌蹄者所以得兔也得兔而忘蹄言者所以在意也得意而忘言吾馬得

夫忘言之人郢人逝矣誰與盡言

莊子曰莊子送葬過

惠子之墓顧謂從者

曰郢人堊墁其鼻端若蠅翼使匠石斲之匠石運斤成風聲而斲之盡堊而鼻不傷郢人立不失容宋元君聞

之召匠石曰當試為寡人為之匠石曰臣則當能斷之雖然臣質死久矣自夫子之死也吾無以為質矣吾無

與言也

閑夜肅清朗月照軒

舞賦曰夫何皎皎之閑夜明月列以施光軒已見曹子建贈徐幹詩

注微風動桂組帳高寨

方言曰桂謂之裾音圭桂或為幃周禮曰幕人掌帷幕幄帶綬

之事鄭司農曰帶平帷也綬組綬所以繫帷也

旨酒盈

樽莫與交歡

毛詩曰旨酒欣欣漢書曰郭解入關賢豪爭交歡

鳴琴在御誰與

鼓彈

毛詩曰琴瑟在御莫不靜好

仰慕同趣其馨若蘭

六韜曰同好相趣薛諒西

京賦注曰趣猶意也易曰同心之言其臭如蘭

佳人不在能不永歎

楚詞曰聞佳人兮

子毛詩曰
敗寐永歎

贈山濤一首 五言

司馬紹統

臧榮緒晉書曰司馬彪字紹統少爲學初拜騎都尉太始中爲祕書郎轉

並後拜散騎侍郎終於家

茗茗倚桐樹寄生於南嶽

倚桐彪自喻也毛詩曰其桐其椅其實離離馬融琴賦曰

惟梧桐之所生在衡山之峻陂

上凌青雲霓下臨千仞谷

蒼頡篇曰凌侵也呂氏春

秋曰若決積水於千仞之谿包咸論語注曰七尺曰仞

處身孤且危於何託余足

毛詩序曰孤危將亡漢書賈山

昔也植朝陽傾枝俟鸞

上書曰不得邪徑而託足也

驚

毛詩曰鳳凰鳴矣于彼高岡梧桐生矣于彼朝陽鄭玄曰鳳凰之性非梧桐不棲非竹實不食也說文曰鸞鸞鳳屬神鳥

也

今者絕世用倥偬見迫束

新語曰梗梓仆則為世用楚詞曰悲余生之無歡兮愁倥偬於山陸

王逸曰倥偬困空也

班匠不我顧牙曠不我錄

班匠及牙曠皆喻執政也墨子曰公輸般為雲梯鄭

玄禮記注曰般伎巧者也莊子曰匠石之齊見櫟社樹匠伯不顧司馬彪曰匠石字伯鄭玄毛詩箋曰顧視也列子曰伯牙善

鼓琴左氏傳曰師曠侍於晉侯杜預曰師曠晉樂太師

焉得成琴瑟何由揚妙曲

桓子新論曰黃

門工鼓琴者有任真卿虞長脩能傳其度數妙曲遺聲

冉冉三光馳逝者一何速

廣雅曰冉冉進

也淮南子曰夫道含吐陰陽而章三光許慎曰三光日月星也逝者見下注

中夜不能寐撫劍起躑

躑

毛詩曰耿耿不寐左氏傳曰子朱怒撫劍感悲孔聖歎哀此從之說文曰躑躅任足也躑躅與躑躅同

年命促

春秋說題辭曰天嘗有血書魯端門作法孔聖沒周室亡論語子曰子在川上曰逝者如斯司

馬遷悲士不遇賦曰天道幽昧人理促

卞和潛幽冥誰能證奇璞

卞和已見上文

冀願神龍來揚光以見燭

神龍喻濤也山海經曰赤水之北有神人面蛇身其瞑乃

晦其視乃明是燭九陰是謂燭龍

答何邵二首

五言

張茂先

吏道何其迫窘然坐自拘

班彪與金昭卿書曰遠在東垂吏道迫促鵬鳥賦曰愚士

繫俗窘若囚拘 纓綬為徽纆文憲焉可踰

纓綬制人同於徽纆國之文憲其可踰乎

禮記曰冠緌纓鄭玄曰緌纓飾也周易恬曠苦不足頌
曰繫用徽纆孔安國尚書傳曰憲法也

促每有餘

廣雅曰恬靜也蒼頡篇曰曠疏曠也

良朋貽新詩示我以遊娛

良朋已見上文徐幹贈五官中郎將詩曰貽爾新詩又思玄賦曰雖遊娛以愉樂

穆如灑清風

真若春華敷

毛詩曰吉父作頌穆如清風淮南子曰猶條風之時灑荅賓戲曰擣藻如春華

自

昔同寮案於今比園廬

臧榮緒晉書曰惠帝即位劭為太子太師又曰武帝崩華為太

子少博然考乎其時事正相接故曰同寮也左氏傳曰先蔑之使也荀林父正之曰同官為寮吾常同寮敢不

盡心乎爾雅曰采寮官也南都賦注曰園廬舊宅也

衰夕近辱殆庶幾並懸輿

王逸

楚詞注曰夕以喻衰言日夕將暮己已衰老也老子曰知足不辱知止不殆漢書曰薛廣德乞骸骨賜安車駟

馬懸其安車傳子傳孫也散髮重陰下抱杖臨清渠鍾會遺榮賦曰散髮抽簪屬

耳聽鶯鳴流目翫儵魚毛詩曰耳屬于垣鄭玄曰屬耳于壁聽之又儀禮注曰屬注也

毛詩曰鶯其鳴矣思玄賦曰流目眺夫衡阿翫猶悅也莊子曰儵魚出遊從容是魚樂也從容養餘

日取樂於桑榆漢書疎廣曰此金者聖主所以惠養老臣也故樂與鄉黨共饗其賜以盡吾餘

日不亦可乎桑榆已見上文

洪鈞陶萬類大塊稟羣生洪鈞大鈞謂天也大塊為地也言天地陶化萬類而羣生

稟受其形也鵬鳥賦曰大鈞播物廣雅曰陶化也河圖曰地有九州以苞萬類莊子曰大塊載我以形勞我以

生孔安國尚書傳曰稟受也漢書董仲舒對策曰羣生和而萬物殖明闇信異姿靜躁亦

殊

劉歆遂初賦曰非積習之生常固明闇之所別老子曰重為輕根靜為躁君王弼曰凡物輕不能重

載小不能鎮大不行者使行不動者制動是以重必為輕根靜必為躁君自予及有識志不

在功名

李陵與蘇武書曰陵自有識以來士之立操未有如子卿者也呂氏春秋曰功名大立天也

虛恬竊所好文學少所經楚辭曰謨虛泰荷既過任白

日已西傾

白日西傾以喻年老也洛神賦曰日既西傾

道長苦志短責重困

才輕

論語曾子曰士不可以弘毅任重而道遠仁以為己任不亦重乎死而後已不亦遠乎呂氏春秋曰

智短則不知化不知化者每舉必危范曄後漢書曰劉寬曰任重責大憂心如醉曹植上表曰爵重才輕周

任有遺規其言明且清

論語孔子曰周任有言曰陳力就列不能者止馮融曰周任古

之良史子思子詩云昔吾有先正
其言明且清國家以寧都邑以成
負乘為我戒夕惕坐

自驚

周易曰負且乘致寇至負也者小人之事也乘也者君子之器也小人乘君子之器盜思奪之矣又

曰夕惕若厲孔安國
尚書傳曰惕懼也
是用感嘉貺馮心出中誠感猶荷也魏文

帝書曰嘉

癸篇雖溫麗無乃違其情

西都賦曰啓發篇章漢書曰司馬相

既益腴

如作賦甚弘麗溫雅曰違背也

贈張華一首 五言

何敬祖

四時更代謝懸象迭卷舒

孫卿子曰日月遞照四時代御淮南子曰二者代謝舛馳

周易曰懸象著明莫大乎日月淮
南子曰陰陽羸縮卷舒淪於不測
暮春忽復來和風與

節俱
論語曰暮春者春服既成毛詩曰習習谷風毛萇詩曰習習和舒之貌楊泉物理論曰春氣騰其風

溫
和
俯臨清泉涌仰觀嘉木敷
西都賦曰嘉木樹庭周旋我陋圃西

瞻廣武廬
臧榮緒晉書曰吳滅封張華廣武侯左氏傳太史克曰奉以周旋既貴不忘

儉處有能存無
毛萇詩傳曰有謂富無謂貧鎮俗在簡約樹塞焉足

摹
周易曰簡則易從廣雅曰約儉也論語曰或問管仲知禮乎孔子曰邦君樹塞門管氏亦樹塞門在

昔同班司今者並園墟
同班司已見張華答詩私願偕黃髮逍遙

綜琴書
黃髮已見上王肅周易注曰綜理事也劉歆遂初賦曰玩琴書以條暢舉爵茂陰下

攜手共躋蹕

韓詩曰擗首躋蹕薛君曰躋蹕蹕蹕也

奚用遺形骸忘筌在

得魚

莊子曰申徒兀者謂子產曰吾與夫子遊十有九年矣而未曾知吾兀者也今子與我遊於形骸之

內子索我於形骸之外不亦遇乎得魚忘筌已見上文

贈馮文熊遷斥丘令一首

四言晉百官名曰外兵郎馮文熊集云文熊為

太子洗馬遷斥丘令贈以此詩闕駟十

陸士衡

於皇聖世時文惟晉

毛詩曰於皇時周周禮栗氏量銘曰時文思索鄭玄曰言是文德之

君思求可以受命自天奄有黎獻謂武帝也毛詩曰有

為人立法也

曰奄有四方毛萇曰奄大也尚書曰萬邦
黎獻共惟帝臣孔安國曰黎衆也獻賢也
閭闔既闢承

華再建

謂惠帝也晉宮閣名曰洛陽城閭闔門陸機洛陽記曰太子宮在大宮東薄室門外中有承華

門再建謂立慈懷太子國儲對閭闔故謂之再也

明明在上有集惟彥

其一毛詩曰明

明在下赫赫在上

奕奕馮生哲問允迪

方言曰自關而西凡美容謂之奕奕尚書曰允

迪厥德謨明弼諧孔安國曰迪蹈也言信蹈行古人之德

天保定子靡德不鏤

毛詩曰天

保定爾亦孔之固劇秦美新曰鏤美也邁心玄曠矯志崇邈爾

曰邁行也王逸楚詞注曰矯舉也爾雅曰崇高也

邁彼承華其容灼灼

其二毛詩曰桃之天

天灼灼嗟我人斯戢翼江潭

毛詩嗟我懷人又曰彼何人斯又曰鷺鷥在梁戢其

左翼楚辭曰
遊于江潭

有命集止翻飛自南

周易曰大君有命毛詩曰有命既集又曰

翻飛惟鳥又
曰凱風自南

出自幽谷及爾同林

謂俱為洗馬也臧榮緒晉書曰楊駿誅徵

機為太子洗馬毛詩曰
出自幽谷遷于喬木

雙情交映遺物識心

其三映人猶照也

亦有言交道寶難

毛詩曰人亦有言靡哲不愚漢書曰蕭育與朱博後有隙故世以交為難

也
有頍者弁千載一彈

毛詩曰有頍者弁實惟伊何毛萇曰頍弁兒也弁皮弁也彈冠

已見上文杜預左氏傳注曰弁亦冠也故通言之頍丘蒞切與陞同音

今我與子曠世齊

歡

言我及子雖與王貢曠世而實齊其歡也范曄後漢班固議曰以漢興已來曠世歷年廣雅曰曠遠也

利斷金石氣惠秋蘭

其四周易曰二人同心其利如蘭

羣黎

未綏帝用勤止

毛詩曰羣黎百姓長楊賦曰羣黎為之不康毛詩曰文王既勤止我應受之

我求明德肆于百里

毛詩曰我求懿德肆于時夏鄭玄曰肆陳也陳其功烈也漢書曰縣

大率百里其人稠則盛稀則曠也

僉曰爾諧俾民是紀

尚書僉曰垂哉帝曰汝諧毛詩

曰四方是維俾民不迷鄭玄毛詩

竟曰以綱畧喻為政理之為紀也乃眷北徂對揚帝祉

其五毛詩曰乃眷西顧又曰對揚

疇昔之游好合纏綿

左氏傳羊斟曰疇昔之羊子為政毛詩曰妻予好合張升與任彥堅書曰纏綿恩好庶蹈高蹤

借曰未

洽亦既三年

毛詩曰借曰未知亦既抱子

居陪華幄出從朱輪

應璩

叔潛書入侍華幄出典禁闈司馬虎續漢書曰皇太子安車朱班輪

方驥齊鑣比迹同塵

其六鄭玄禮儀注曰方併也南都賦曰駉驥齊鑣范曄後漢書曰孔融薦謝該曰該質卓然比迹前列老子曰

和其光之子既命四牡項領毛詩曰駕彼四牡四牡項領遵塗遠蹈

騰軌高騁四子講德論曰未若遵塗之疾也鄭玄考功記注曰軌猶轍也慶雲扶質清

風承景廣雅曰嗟我懷人其邁惟永其七毛詩曰嗟我懷人毛萇曰懷思

也否泰苟殊窮達有違否泰周易二卦名也列子西門子謂北宮子曰汝造事而窮子

造事而達此厚薄之驗與及子春華後爾秋暉言否泰賈逵國語注曰違異也殊流窮

達異轍今雖及爾春華之美終當後爾秋暉之盛也逝春華喻少年秋華喻老成蘇武詩曰努力愛春華

將去我陟彼朔垂逝將去汝已見上文毛詩曰陟彼高岡朔垂斥丘也爾雅曰朔北方也說

文曰垂遠邇也非子之念心孰為悲其

答賈長淵一首

四言并序正隱晉書曰魯公賈謏字長淵

陸士衡

余昔為太子洗馬

漢書曰太子屬官有洗馬如淳曰前驅也先或作洗

賈長淵以

散騎侍東宮積年

高誘呂氏春秋注曰東宮太子所居詩曰東宮之妹

余出補吳

王郎中令

臧榮緒晉書曰吳王晏字平度武帝第二十三子封吳又曰吳王出鎮淮南以機為郎中

也元康六年入為尚書郎

臧榮緒晉書曰機為尚書中兵部

魯公贈詩

一篇作此詩答之云爾

伊昔有皇肇濟黎蒸

爾雅曰伊惟也郭璞曰發語辭也詩曰有皇上帝毛萇曰皇君也封

禪書曰覺悟黎蒸

先天創物景命是膺

周易曰先天而天弗違周禮曰智者創物毛詩

曰君子萬年景命有僕毛萇曰僕附也毛詩曰戎狄是膺毛萇曰膺當也

降及羣后迭毀迭

興

史記太史公曰逸興逸廢能用者用事小雅曰逸逸更也

邈矣終古崇替有徵

其一

楚詞曰春蘭兮秋菊長無絕兮終古因語藍尹壺謂子西曰吾聞君子唯獨居思念前世之崇替於是乎有數韋昭曰崇終也替廢也左氏傳曰君子之言信而有徵

在漢之季皇綱幅裂

韋昭曰國

語注曰季末也皇綱以綱為喻也答賓戲曰廊帝結恢皇綱毛萇詩傳曰張之曰綱魏志崔琰曰今天下分崩

九州幅裂

大辰匿暉金虎曜質

漢書曰東方蒼龍房心心為明堂大星天王爾雅曰大辰

房心尾也石氏星經曰昂者西方白虎之宿也
太白者金之精太白入昂金虎相薄主有兵亂
雄臣馳

驚義夫赴節解嘲曰世亂則聖哲馳驚而不足
釋位揮戈言謀王室其

左氏傳王予朝告于諸侯曰居王于彘諸侯釋王以王
閔王政說文曰揮奮也左氏傳曰會于洮謀王室也

室之亂靡邦不泯毛詩曰亂生不夷靡國不泯毛萇曰泯滅也
如彼墜景曾

不可振丁德禮寡婦賦曰日喪喪乃春三哲俾又斯民

三哲劉備孫權曹操也尚書帝曰下啓土綏難改物承
民其必有俾又孔安國曰又治也

天其三尚書曰建邦啓土國語王謂晉侯曰叔父若能更姓改物以創天下禮記明堂陰陽錄曰王者承天

統物也爰茲有魏即宮天邑禮記孔悝彫銘曰即宮于宗周尚書曰周公曰肆于敢求

文選
九

爾干天邑吳寶龍飛劉亦岳立東京賦曰乃干戈載揚俎豆

載戢

毛詩曰載戢干戈毛萇曰戢聚也論語孔子曰俎豆之事則嘗聞之矣

民勞師興國

玩愒入

其四毛詩曰民亦勞止玩與愒古字通周禮師有功則凱樂

天厭霸德黃祚

告豐

左氏傳鄭伯曰天而既厭周德矣干寶抄神記曰魏惟五德之運以土承漢春秋保乾圖曰漢以魏

徵黃精接期天下歸高賈逵

獄訟違魏謳歌適晉

孟子萬章

曰堯以天下與舜有諸孟子曰否不然天與之堯崩三年之喪畢舜讓避丹朱于南河之南天下朝覲獄訟者不之堯之子而之舜謳歌者不詠堯之子而詠舜舜曰天也夫而後歸中國踐天子之位焉

陳留

歸蕃我皇登禪

魏志曰陳留王諱奐字景明武帝孫燕王宇子也奉皇帝璽綬策禪位于晉嗣

王魏世譜曰封
帝謂陳留王

庸岷稽顙三江改獻

其五庸岷蜀境也
庸國名也岷山名

也禮記孔子曰拜而後稽顙三
江吳境也尚書曰三江既入

赫矣隆晉奄宅率土

曹府

君陳寶誅曰赫奕陳君毛詩曰
宅殷土芒芒又曰率土之濱

對揚天人有秩斯祜

對揚

已見上文司馬相如封禪文曰天人之際已交
詩曰嗟嗟烈祖有秩斯祜爾雅曰祜福也

惟公太宰

光翼二祖

司馬右長史及世祖受禪轉太宰左氏傳康
臧榮緒晉書曰晉太祖為大將軍以賈充為

王論晉范曄曰宜
夫子之光輔五君

誕育洪胄纂戎于魯

其六臧榮緒晉
書曰謚父韓壽

河南尹母賈充少女也充平生不議立後充後妻郭槐
輒以外孫韓謚為黎民子襲封槐自表陳是充遺意也
帝許之以謚為魯公毛詩曰誕彌厥月毛萇曰誕大也
鄭玄曰大矣后稷之在其母終人道十月而生毛詩曰

續戎祖考鄭玄曰戎汝也毛詩曰俾夷于魯

東朝既建淑問戕戕

謂愍懷太子也毛詩

曰淑問如皋陶

我求明德濟同

以和

毛詩曰我求懿德已見上文

魯公戾止

袞服委蛇

毛詩曰魯侯戾止爾雅曰戾至周禮曰三公自袞冕而下毛詩曰退食自公委蛇委蛇

思媚皇儲高步承華

其十王隱晉書謚以賈后之妹子數入宮與懷愍處毛詩曰思媚周

姜又曰媚于天子漢書疏廣曰太子國儲嗣君承華已見上文

昔我逮茲時惟下僚

下僚

謂洗馬也

及子棲遯同林異條

俱在東宮故曰同林而貴賤殊隔故曰異條毛詩曰或棲

遯偃仰

年殊志比服舛義稊

服章服也尊卑殊制故曰舛也說文曰稊多也

游跨

三春情固二秋

其

祗承皇命出納無違

尚書曰祗承于帝論語曰樊遲

問孝子
曰無違

往踐蕃朝來步紫微

蕃朝吳也紫微至尊
所居謂為尚書郎

升降

祕閣我服載暉

謝承後漢書曰謝承父嬰為尚書侍郎
每讀高祖及光武之後將相名臣策文

通訓條在南宮祕于省閣唯臺郎計複道取急因得
開覽序云入為尚書郎作此詩然祕閣即尚書省也孰

云匪懼仰肅明威

其九尚書曰我有
周祐命將大明威

分索則易攜手實

難

鄭玄禮記注
曰索散也

念昔良遊茲焉永歎

劉慎黎陽山賦曰
良遊未厭白石潛

暉毛詩曰
茲之永歎

公之云感貽此音翰

應劭漢書注曰云有
也韋昭曰翰筆也蔚

彼高藻如玉之蘭

其十蔚文腕周易曰君子豹變其文
蔚也楚詞曰文彩耀於玉石王逸曰

言發文舒詞爛然
有文彩也蘭力旦切

成章如玉石之
切協韻力丹切

惟漢有木曾不踰境

惟南有金萬邦作詠

木謂橙也賈謐贈詩云在南編柑度北則橙故答以此言木度北而

變質故不可以踰境金百鍊而不銷故萬邦作詠賈戒之以木而陸自賜以金也穀梁傳曰婦人既嫁不踰境

毛詩曰大賂南金

民之胥好狂狷厲聖

爾雅曰胥相也謂相戒

曰不得中行而與之必也狂狷乎狂者進取狷者有所不為也書曰惟聖罔念作狂惟狂克念作聖說文曰厲

石也言人之自儀刑在昔予聞予命

其十一毛詩曰儀刑文王萬邦作孚

左氏傳晉克曰臣聞命矣

於承明作與士龍一首

五言集云與士龍於承明亭作

陸士衡

牽世嬰時網駕言遠徂征

鄒陽上書曰豈拘於俗牽於世曹子建責躬詩曰舉挂時

綱毛詩曰

飲餞豈異族親戚弟與兄

毛詩曰飲餞于禰又曰豈異伊人兄

弟匪

婉孌居人思紆鬱遊子情

方言曰婉歡也婉與婉同古字通說文曰孌藥

也班固漢書述哀紀曰婉孌董公惟亮天工紆鬱已見上文

明發遺矣寐寤言涕交

纓

毛詩曰明發不寐又曰獨寐寤言淮南子曰雍門子以琴見孟嘗君涕流霑纓

分塗長林側

揮袂萬始亭佇眄要遐景傾耳玩餘聲

家語孔子曰傾耳而聽之不可

得而聞杜預左氏傳注曰翫貪也

南歸總永安北邁頓承明

毛萇詩傳曰憩息也

頓止

永安有昨軌承明子棄予

毛詩曰棄予如遺

俯仰悲林薄

慷慨含辛楚

范曄後漢書劉瑜上書曰竊為辛楚泣血連如楚猶痛也

懷往歡絕端

悼來憂成緒

言和悅纔往歡已絕端哀悼暫來憂便成緒毛萇詩傳曰懷和也楚辭曰欲寂寞而

絕端方言

感別慘舒翻思歸樂道者

舒翻謂鵲遵渚謂鴻言感別之情慘

千舒翻之飛鵲思歸之志樂于遵渚之征鴻也蘇武詩曰黃鵠一遠別鄴炎詩曰舒吾凌霄羽毛詩曰鴻飛遵渚

贈尚書郎顧彥先二首

五言王隱晉書曰顧榮字彥先吳人也為尚書郎

陸士衡

大火貞朱光積陽熙自南

爾雅曰大火謂之大辰郭璞曰大火心也在中昃明故時

候王也孔安國尚書傳曰貞正也朱光朱明也爾雅曰夏為朱明尚書曰日永星火以正仲夏淮南子曰積

陽之熱氣生火火氣之精者為日爾雅曰
熙興也續漢書曰日行南陸謂之夏也
望舒離金虎

屏翳吐重陰

言月離畢天將雨也楚詞曰前望舒使先驅王逸曰望舒月御也漢書曰西方金也

尚書考靈耀曰西方秋虎漢書曰參白虎三星又曰觜鵬為虎首孔安國尚書傳曰昂白虎中星然西方七星畢昂之屬俱白虎也毛詩曰月離于畢俾滂沱矣楚辭曰屏翳起雨王逸曰屏翳雨師名也曹子建贈王粲詩曰重陰潤萬物也

淒風迓時序苦雨遂成霖

左氏傳申豐曰春無淒風秋無苦雨

杜預曰苦雨為人所患苦也小雅曰迓犯也莊子曰陰陽四時運行各得其序朝遊忘輕羽夕

息憶重衾

輕羽謂扇也傳毅有羽扇賦衾已見上文

感物百憂生纏綿自相

尋

百憂纏綿並已見上文

與子隔蕭牆蕭牆隔且深

論語子曰吾恐季孫之憂

在蕭牆之內也形影曠不接所託聲與音音聲日夜濶何用慰

吾心毛詩曰仲山甫永懷以慰其心

朝遊遊層城夕息旋直廬張晏漢書注曰直宿曰廬也迅雷中宵激

驚電光夜舒論語曰迅雷風烈必變楚詞曰凌驚雷軼駭電兮玄雲拖朱閣振

風薄綺疏說文曰拖曳也徒可切鄭玄禮記注曰振動也風以動物故謂之振孔安國尚書傳曰薄

迫也李尤求觀銘曰房闥內布綺流外陳是謂求觀書籍林淵豐注溢脩雷潢潦浸階

除王逸楚辭注曰雷屋宇也說文曰潦雨水也又曰除殿階也停陰結不解通衢化

為渠沉稼湮梁潁流民汴荆徐廣雅曰湮沒也梁潁二地名也毛萇詩傳曰汴

向也荆徐二州名也春言懷桑梓無乃將為魚毛詩曰春言顧之

恭敬止左氏傳曰天王使劉定公勞趙孟館於維納劉子曰美哉禹功明德遠矣微禹吾其魚乎

贈顧交趾公真一首

五言晉百官名曰交州刺史顧祕字公真

陸士衡

顧侯體明德清風肅已邁

周易曰君子體仁足以長人鄭玄曰體生也尚書曰先王

既勤用明德胡廣書曰建鴻德流清風

發迹翼藩后改授撫南裔

藩后吳王也顧

氏譜曰祕為吳王郎中令南裔謂交趾也解嘲曰驟騎發迹於祁連蔡邕陳球碑曰遠鎮南裔近撫侯服鄭玄

周禮注曰撫安也

伐鼓五嶺表揚旌萬里外

漢書曰秦北為長城之役南有五嶺

之戊裴淵廣州記五嶺云大庾始安臨賀桂陽揚遠績不

揚陽漢書劉向上疏曰甘廷壽懸旌萬里之外

辭小立德不在大左氏傳劉子謂趙孟曰子盍亦遠績

立德其次立功

高山安足凌巨海猶縈帶

古辭異博遊曰衆星累累如連貝江河四

海如帶惆悵瞻飛駕引領望歸旆

楚辭曰惆悵兮而私自憐左氏傳穆叔謂晉侯

曰引領西望曰庶幾乎

贈從兄車騎一首

五言集云陸士光

陸士衡

孤獸思故藪離鳥悲舊林

周禮曰藪收養蕃鳥獸鄭玄曰澤無水曰藪

翩翩

遊宦子辛苦誰為心

漢書薄昭與淮南書曰曰遊宦事人

髣髴谷水陽婉

嬾崑山陰

楚辭曰時髣髴以遙見陸道瞻其地記曰海鹽縣東北二百里有長谷昔陸遜陸凱居此

谷東二十里有崑山父祖葬焉穀梁傳曰水北曰陽婉嬾已見上文

營魄懷茲土精爽若

飛沉

老子曰載營魄抱一能無離乎鍾會曰載辭也經護為營形氣為魄為魄經護其形氣使之長存也

論語子曰小人懷土左氏傳寤寐靡安豫願言思所飲

樂祁曰心之精爽是謂魂魄寤寐靡安豫願言思所飲

感彼歸塗艱使我

怨慕心

孟子萬章問曰舜往于田曰號泣於旻天何為其號泣也孟子曰怨慕也其本云歸塗順也

安得忘歸草言樹背與衿

韓詩曰焉得諉草言樹之背然衿猶前也斯言豈

虛作思鳥有悲音

答張士然一首

五言 潘盛晉陽秋曰張峻字士然少以文章與陸機友善峻亡全切

陸士衡

絜身躋祕閣祕閣峻且玄

四子講德論曰絜身修思吊魏武曰機出補著作遊乎祕

閣然祕書省亦為祕閣說文曰玄幽遠也謂祕閣之幽遠也

終朝理文案薄暮不遑

瞑

毛詩曰不遑假寐瞑古眠字

駕言巡明祀致敬在祈年

駕言已見上文毛詩

曰敬祭明祀禮記曰拜至所以致敬也毛詩曰祁年孔夙鄭玄曰我祈豐年甚早也

逍遙春王圃

躑躅千畝田

晉宮閣銘曰洛陽宮有春王園躑躅與躑躅同禮記曰天子為籍田千畝

回渠

繞曲陌通波扶直阡

風俗通曰南北曰阡東西曰陌

嘉穀垂重穎芳樹

發華顛

尚書曰農殖嘉穀廣雅曰顛未也

余固水鄉士總轡臨清淵

水鄉

謂吳也漢書曰武功中水鄉人三舍塾為池家語孔子曰善御者正身以總轡

戚戚多遠念行

行遂成篇

楚辭曰居戚戚而不解

為顧彥先贈婦二首

五言集云為令彥先作今云顧彥先誤也且此上篇贈婦

下篇答而俱云贈婦又誤也

陸士衡

辭家遠行遊悠悠三千里

鸚鵡賦曰女辭家而適人蔡琰詩曰悠悠三千里何時復

來會京洛多風塵素衣化為緇毛萇詩傳曰緇黑也修身悼憂苦感

念同懷子

孟子曰古之人不得志修身見於世列子曰卑辱則憂苦

隆思亂心曲沉

歡滯不起

薛君韓詩章句曰時風又且暴使已思益隆毛詩曰亂我心曲

歡沉難尅興

心亂誰為理願假歸鴻翼翻飛游江汜

魏文帝喜霽賦曰思寄身於鴻鸞舉

六翻而輕飛毛

詩曰江有汜

東南有思婦長歎充幽闥

曹子建七哀詩曰上有愁思婦悲歎有餘哀西京賦曰重

闥幽

借問歎何為佳人眇天末

西京賦曰眇天末以遠期

遊宦久不

歸山川修且濶

遊宦已見上文

形影參商乖音息曠不達

左氏傳子

產曰昔高辛氏有二子伯曰閼伯季曰實沉居曠林不相能日尋干戈以相征討后帝不臧遷閼伯于商丘主辰商人是因故辰為商星遷實沉于大夏主參唐人是因以服事夏商其季世曰唐叔故參為晉星法言曰吾不睹參辰之相比也音息昔

離合非有常譬彼弦與箏

問消息也廣雅曰曠久也

呂氏春秋曰夫萬物成則毀合則離離則復合合則復離劉熙釋名曰矢末曰箏箏會也與弦會同願保金石軀慰妾長饑渴

金石已見上文李陵贈蘇武詩曰思得瓊樹枝以解長饑渴

贈馮文熊一首

五言

陸士衡

昔與二三子遊息承華南

二三子及承華已見上文

拊翼同枝條翻

飛各異尋

班固漢書曰撫翼俱起

苟無凌風翮徘徊守故林

莊子曰鵲

巢於高榆之巔巢折凌風而起

慷慨誰為感願言懷所欽

所欽已見上文

癸軫

清洛汭驅馬大河陰

尚書曰東至于洛汭孔安國曰水北曰汭穀梁傳曰水南曰陰

佇

立望朔塗悠悠迴且深

馮在序丘故云朔塗毛詩曰佇立以泣王粲贈士孫文始詩曰

雖則固城邈其迴深

分索古所悲志士多苦心

古詩曰晨風懷苦心悲情臨

川結苦言隨風吟

張平子書曰酸者不能不苦於言

愧無雜佩贈良訊

代兼金

毛詩曰知子之來之雜佩以贈之孟子曰齊王餽兼金一百而不受趙岐曰兼金其價兼倍於

者常夫子茂遠猷款誠寄惠音

尚書曰遠爾猷秦嘉贈婦詩曰何用敘我心遺思致

款誠好色賦曰絮
齋侯兮惠音聲

贈弟士龍一首 五言

陸士衡

行矣怨路長愁馬傷別促

論語曰君命召不俟駕行矣
曹子建贈白馬王詩曰怨彼

東路長詩曰我心憂傷起馬如擣方言曰溺憂也自關
而西秦晉之間或曰愁並奴的切曹子建送應氏詩曰
別促會
日長指途悲有餘臨觴歡不足我若西流水子為東

時岳

言已逝如西流之不息
雲止類東岳之不移也慷慨逝言感徘徊居情育

逝機自謂也居謂雲也言慷慨不平逝
者之言多感徘徊興戀居者之志彌生安得攜手俱契

濶成駢服

毛詩曰生死契濶與子成說又曰攜手同行毛萇曰契濶懇苦也說文曰駢駢傍馬也鄭

玄毛詩箋曰兩

服中央夾轅也

為賈謐作贈陸機一首

四言

潘安仁

肇自初創二儀烟煴

周易曰易有太極是生兩儀王肅曰兩儀天地也易曰天地絪縕萬

物化

粵有生民伏羲始君結繩闡化八象成文

劇秦美新曰爰

初生民周易曰上古結繩而治後世聖人易之以書契又曰古者包犧氏之王天下也始作八卦以通神明之德以類萬物之情包犧即芒芒九有區域以分其左伏羲也聲類曰闡大開也

氏傳魏

絳曰虞人之箴曰芒芒禹迹畫為九州杜預曰芒芒遠貌也毛詩曰方命厥后奄有九有毛萇曰九有九州也

神農更王軒轅承紀

史記曰軒轅為天子代神農氏是為黃帝順天地之紀家語孔子曰

古之王者易代改號取法五行更王終始相生也

畫野離疆爰封衆子

漢書曰昔

在黃帝畫野分州得百里之國萬區史記曰黃帝二十五子得其姓者一十四人

夏殷既襲宗

周繼祀

楚辭曰思堯舜兮襲與毛詩曰赫赫宗周

綿綿瓜瓞六國互峙

其二毛詩

曰綿綿瓜瓞民之初生自土沮漆六國謂韓燕趙魏齊楚也

强秦兼并吞滅四隅

史記

曰秦始皇初并天下班固漢書述曰孝武行師吞滅海隅淮南子曰經營四隅還反於樞高誘曰隅猶方也

子嬰面櫬漢祖膺符

子膺漢祖並已見上文左氏傳曰楚子圖許許僖公見楚子於武城

面縛銜璧大夫袁經士與觀東京賦曰高靈獻微弱在

望則渝

范曄後漢書曰孝靈皇帝諱宏肅宗玄孫也桓

也靈帝崩即皇帝位曾子曰沙在泥與之皆黑趙岐孟子章句曰白沙入泥不染自黑爾雅曰渝變也三

雄鼎足孫啓南吳

其三三雄即三國之主班固漢書述曰三雄是散漢書蒯通說韓信曰方

今足下三分天下鼎足而居

南吳伊何僭號稱王

吳志曰黃龍元年并權即皇帝位春秋

命歷序曰吳楚駒勝僭號稱王駒景駒勝陳勝也字書曰僭假也

大晉統天仁風遐揚

謂武帝也周易曰大哉乾元萬物始乃統天典引曰仁風翔于海表

偽孫銜璧奉土歸

疆偽孫謂皓也吳志曰孫皓字元宗和子也孫休薨皓三晉命王濬伐皓皓致書於濬濬受皓之降銜璧已

見上
婉婉長離凌江而翔其四長離喻機也楚辭曰駕

拔光耀明臣瓚曰長離
靈鳥也離與麗古字通
長離云誰咨爾陸生毛詩曰云

曰咨爾
鶴鳴九臯猶載厥聲毛詩曰鶴鳴九臯聲聞
况

乃海隅播名上京海隅謂吳也尚書曰至於海隅范曄

朝播名海內孔安國
尚書傳曰播布也
爰應旌招撫翼宰庭其五臧榮緒

未太傅揚駿辟機為祭酒孟子曰夫招士以辟大
夫以旌撫翼已見上文宰謂駿也宰或為紫非也
儲皇

之選實簡惟良漢書疏廣曰太子師友必得天下英俊

安國曰是惟良臣
則君顯明於世
英英朱鸞來自南岡鸞亦喻機也毛

詩傳曰英鮮

文選

明也王逸楚辭序曰蛇龍鸞鳳曜藻崇正玄冕丹裳謂

以託君子毛詩曰戎來自東

曜藻崇正玄冕丹裳

謂

洗馬也崇正太子之宮也藏崇緒晉書曰世祖以皇太

子富於春秋初命講孝經於崇政殿周禮曰大夫玄冕

禮記曰君朱韠環濟如彼蘭蕙載採其芳其藩岳作鎮

要畧曰韠以象裳色如彼蘭蕙載採其芳其藩岳作鎮

輔我京室

謂吳王也班固盧綰述曰綰自同門鎮

旋反

桑梓帝弟作弼

桑梓已見上文作弼謂為吳王郎中令也

或云國宦清塗攸

失

漢書曰武有淮南衡山之謀作左宦之律應劭曰人道尚左今舍天子而仕諸侯故謂之左宦

吾子

洗然恬淡自逸

其七莊子曰庚桑子之始來也吾洒然異之鄭玄禮記注曰洒如肅敬也文子

曰靜漢恬淡說文曰淡安也徒敢切毛詩曰廊廟惟清

我不敢傲我友自逸陳太丘碑曰澹然自逸

廊廟惟清

俊又是延

史記曰賢人深謀於廊廟兩雅曰室有東西廂曰廊捷為舍人曰殿有東西小堂也然廊

廟君之居臣朝覲之所故曰俊又是延也尚書曰俊又在官鄭玄周禮注曰延進也擢應嘉舉自

國而遷

方言曰擢拔也

齊轡羣龍光讚納言

謂為尚書郎也揚雄河東賦曰建乾

坤之貞兆分將悉統之以羣龍韋昭曰比羣賢也尚書帝曰龍命汝作納言應劭漢書注曰納言如今尚書官機為郎故曰光讚也鄭玄周禮注曰讚佐也優遊省闈珥筆華軒其八毛詩曰優遊爾

休矣崔駰奏記實憲曰珥筆持牘拜謁昔余與子繾綣

東朝

左氏傳臧貽伯曰繾綣從公無通外內也

雖禮以賓情通友僚嬉娛絲

竹撫鞞舞韶

禮記曰絲竹樂之器也字林曰鞞小鼓也尚書曰蕭韶九成孔安國曰韶舜樂名

修日朗月攜手逍遙

其九

自我離羣二周于今

禮記曰子夏曰吾離

羣索居毛詩曰自我不見于今三年

雖簡其面分著情深

孔安國尚書傳曰簡畧也來紹

與公孫瓚書曰分著丹青

予其超矣實慰我心

毛詩曰實獲我心

發言為詩

俟望好音

其十毛詩序曰在心為志發言為詩毛詩曰誰將西歸懷之好音

欲崇其高

必重其層

郭璞曰山海經注曰層重也慈登切

立德之柄莫匪安恒

周易曰謙

德之柄也恒德之固也

在南稱甘度北則橙

言甘以移植而易名恐人徙居而變節故

引以裁之淮南子曰江南橘樹之江北而化為橙博物志曰橘柚類甚多甘橙枳皆是

崇子鋒穎

不頽不崩

其十一鄭玄禮記注曰崇猶尊也擊伯陵答司馬遷書曰有能者見鋒穎之秋毫毛詩曰

如南山之壽
不霧不崩

贈陸機出為吳王郎中令一首

四言

潘正叔

文章志曰潘尼字正叔少有清才初應州辟後以父老歸供養父終乃出仕位

終太常

東南之美曩惟延州

爾雅曰東南之美者有會稽之竹箭焉左氏傳曰吳子使屈狐庸聘

于晉趙文子問焉曰延州來季子其果立乎杜預曰延州來季凡邑也

顯允陸生於今

壽毛詩曰顯允君子莫不令德

振鱗南海濯翼清流

高堂賦曰振鱗奮翼應德連建

章臺集詩曰婆娑翰林容與墳丘

其一答賓戲曰婆娑乎術藝之場長楊賦

曰借翰林以為主人左氏傳楚丘左史倚相玉以瑜潤
趙過王曰是史也能讀三墳五典八索九丘

隋以光融禮記孔子曰君子比德於玉焉溫潤而澤仁
也瑜不揜瑕忠也鄭玄曰瑜其中間美者隋

隋珠已見上文杜預乃漸上京羽儀諸宮周易曰鴻漸
左氏傳注曰融朗也

以為玩爾清藻味爾芳風玩猶愛也禍衡顏子
儀吉碑曰秀不實振芳風冰之彌

廣挹之彌冲其二毛詩曰漢之廣矣泳之游之毛萇曰
潛行為泳又曰挹刺也老子曰大滿若冲

字書曰冲猶虛也崑山何有有瑤有珉新序晉平公嘆曰嗟乎
安得賢士大夫與共此

樂船人固桑對曰夫劍產於越珠產江漢玉產崑山此
三寶皆無足而致今君苟好士則賢士至矣說文曰瑤

玉美者又曰及爾同僚具惟近臣臧榮緒晉書曰正叔
元康初拜太子舍人
珉石之美者

機仕東宮已見上文毛詩曰我雖異事及爾予涉素秋
同僚東京賦曰具惟帝臣國語曰近臣盡規

子登青春

素秋喻老青春喻少也劉禎與臨淄侯書曰肅以素秋則落楚辭曰青春爰謝愧無

老成厠彼日新

其三毛詩曰雖無老成人尚有典刑周易曰大畜剛健篤實輝光日新其德

祁祁大邦惟桑惟梓

毛詩曰采芣祁祁采芣祁祁多也

穆穆伊人南

國之紀

毛詩曰穆穆魯侯又曰所謂伊人又曰滔滔江漢南國之紀

帝曰爾諧惟王

卿士

尚書帝曰爾諧

俯僂從命奚恤奚喜

其四左氏傳孟僖子召其大夫曰吾聞將

有達者曰孔丘聖人之後也其祖弗父何始有國而授厲公及正考父佐戴武宣三命茲恭敬其鼎銘曰一命而饗再命而伋三命而
我車既巾我馬既秣
周禮巾車下大夫二

人鄭玄曰巾猶衣
星陳夙駕載脂載轄尚書天傳八伯

也林馬已見上文
毛詩曰星言夙駕說于桑田
又曰載脂載轄還車言適
婉孌二宮徘徊殿閨醪醴

莫饗孰慰饑渴

其五淮南子曰酒澄而不飲孔叢子
昔

子承私貽我蕙蘭

陸集有贈
今子徂東何以贈旃徂東

吳也毛詩曰駕言徂東又曰何以贈之

寸晷惟寶豈無璵璠

淮南子曰聖人不貴尺之

璧而重寸之陰難得而易失也

彼美陸生可與晤言

其六

毛詩曰彼美叔姬可以晤言鄭玄曰晤猶對也

贈河陽一首

五言

潘正叔

處生化單父子奇莅東阿

呂氏春秋曰處子賤治竄父
彈鳴琴身不下堂竄父治正

馬期以戴星出入日夜不居以身親之而竄父亦治正
馬期以問於處子處子曰我之任人子之任力任力者
固勞任人者固逸說苑曰子奇年十八齊君使治阿既
行齊君悔之遣使追者返曰子奇必能矣共載者皆白
首者也子奇至阿鑄庫兵以為耕器魏聞童子為君庫
無兵倉無粟乃起兵擊之阿人父率子兄率弟以私兵
戰遂敗
桐鄉建遺烈武城播弦歌
漢書曰朱邑字仲卿
廬江人少時為舒桐

鄉耆夫廉平不苟後為大司農病且死屬其子曰我故
為桐鄉吏其人愛我必葬我桐鄉後世子孫奉我不如
桐鄉人及死其子葬之桐鄉西郭外人果共立為邑起
冢立祠祭至今不絕班固說東平王蒼曰遺烈著於無

窮論語曰子之武城聞弦歌之聲孔安國曰子游為武城宰逸驥騰夷路潛龍躍洪

波驥龍喻

弱冠步鼎鉉既立宰三河

岳早辟賈充府出為河陽令禮記曰

人生二十曰弱冠周易曰鼎金鉉鄭玄曰金鉉喻明道能舉君之官職也尚書注曰鼎三公象也論語曰三十

而立漢書東方朔書曰去三河之地止瀾漚以西

流聲馥秋蘭摘藻豔春華

家語

孔子曰流聲後裔非唯學之所致耶楚辭曰秋蘭兮青青說文曰摘舒也摘藻春華已見上文徒美天姿茂豈謂人爵多

風俗通曰太尉掾范滂天安聰獻孟子曰有天爵有人爵仁義忠信樂善

不倦此天爵也公卿大夫此人爵也古之人修其天爵而人爵從之今之人修天爵以要人爵既得人爵而棄

天爵終亦亡矣

贈侍御史王元貺一首 五言

潘正叔

崑山積瓊玉廣厦構衆材

崑山出玉已見上文慎子曰廊廟之材非一木之枝

鱗萃靈沼撫翼希天階

遊鱗龍也毛萇詩傳曰萃集也毛詩曰王在靈沼楚辭曰攀天

階而下視

膏蘭孰為銷濟治由賢能

漢書曰龔遂卒有父老來弔曰薰以香自燒膏

以明自銷

王侯厭崇禮迴迹清憲臺

漢書上謂嚴助曰君厭承明之廬張孟陽魏都

賦注曰聽政殿左崇禮門漢官儀曰御史謂憲臺也

蜺屈固小往龍翔迺大來

周易

曰尺蠖之屈以求伸也龍蛇之蟄以存身也又曰泰小往大來吉耶璞方言注曰尺蠖又呼為步屈也於縛切

協心毗聖世界力讚康哉

尚書曰三后協心毛詩曰天子是毗鄭玄曰毗輔也呂氏

春秋曰百官有司之事畢力竭智矣尚書咎繇乃歌曰元首明哉股肱良哉庶事康哉

文選卷二十四